

# 大般涅槃经

(三十六卷：第二十八卷至第三十卷)

北凉天竺三藏昙无讖译 梵

宋沙门慧严慧观同谢灵运再治



南無本師釋迦牟尼佛

## 说明

本简体校正版《大般涅槃经》（南本）电子书，是根据《乾隆大藏经》大乘涅槃部，第 0110 部，北凉天竺三藏昙无讖译梵、宋沙门慧严慧观同谢灵运再治《大般涅槃经》(36 卷)影印本校正的。标点符号仅供参考。

为了便于读诵，本电子书按顺序每三卷合为一册，共十二册。若每天读一册，可十二天读完。

本电子书是免费结缘品。特此说明。

仁慧草堂

二〇一八年十一月

## 目 录

起诵仪 .....	- 1 -
香赞 .....	- 1 -
开经偈 .....	- 1 -
大般涅槃经卷第二十八 .....	- 2 -
师子吼菩萨品第二十三之四 .....	- 2 -
大般涅槃经卷第二十九 .....	- 32 -
师子吼菩萨品第二十三之五 .....	- 32 -
大般涅槃经卷第三十 .....	- 62 -
师子吼菩萨品第二十三之六 .....	- 62 -
结诵仪 .....	- 92 -
补阙真言 .....	- 92 -
发愿文 .....	- 92 -
回向偈 .....	- 93 -
回向偈 .....	- 93 -
三皈依 .....	- 94 -

## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

### 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 大般涅槃经卷第二十八

北凉天竺三藏昙无讖译 梵

宋沙门慧严慧观同谢灵运再治

## 师子吼菩萨品第二十三之四<sup>1</sup>

“是时，六师心生嫉妬，悉共<sup>2</sup>集诣波斯匿王，作如是言：‘大王当知，王之土境清夷闲静，真是出家住止之处，是故我等为斯事故而来至此。大王以正法治，为民除患。沙门瞿昙年既幼稚，学日又浅，道术无施，此国先有耆旧宿德，自怙王种，不生恭敬。若是王种，法应治民。如其出家，应敬宿德。大王善听，沙门瞿昙真实不生王种之中，瞿昙沙门若有父母，何由劫夺他人父母？大王，我经中说，过千岁已，有一妖祥幻化物出，所谓沙门瞿昙是也。是故当知，沙门瞿昙无父无母。若有父母，云何说言诸法无常、苦、空、无我、无作、无受？以幻术故，诳惑众生，愚者信受，智者舍之。大王，夫人王者，天下父母，如称<sup>3</sup>、如地、如风、如火、如道、如河、如桥、

<sup>1</sup> 大正藏：师子吼菩萨品之四

<sup>2</sup> 大正藏：来

<sup>3</sup> 大正藏：秤

如灯、如日、如月，如法断事，不择怨亲。沙门瞿昙不听我活，随我去处追逐不舍。惟<sup>4</sup>愿大王，听我与彼掬其道力，若彼胜我，我当属彼；我若胜彼，彼当属我。’

“王言：‘大德，汝等各各自有行法，止住之处亦各不同，我今定知如来世尊于汝无妨。’

六师答言：‘云何无妨？沙门瞿昙以幻术法，诱逛诸人及婆罗门归伏已尽。王若听我与掬道力，王之善名流布八方；如其不者，恶声盈路。’王

言：‘大德，汝等未知如来道力威神巍巍，故求掬试。若定知者，恐不能也。’‘大王，汝今已受瞿昙幻耶？惟<sup>5</sup>愿大王留神听察，莫轻我等。构之虚言，不如验之以实。’王言：‘善哉！善哉！’

六师之徒欢喜而出。

“时，波斯匿王即勅严驾来至我所，头面礼敬，右绕三匝，退坐一面，而白我言：‘世尊！六师向来求掬道力，我不量度，敢以<sup>6</sup>许之。’佛言：‘大王，善哉！善哉！但当更于此国处处造立僧坊。何以故？我若与彼掬其神力，彼众之中受化者多，此处狭小，云何容受？’

<sup>4</sup> 大正藏：唯

<sup>5</sup> 大正藏：唯

<sup>6</sup> 大正藏：已

“善男子，我于尔时为六师故，从初一日至十五日，现大希有神通变化。当是时也，无量众生发阿耨多罗三藐三菩提心；无量众生于三宝所生信不疑；六师徒众其数无量，破邪见心，正法出家；无量众生于菩提中得不退心；无量众生得陀罗尼诸三昧门；无量众生得须陀洹<sup>7</sup>至阿罗汉果。

“尔时，六师内心惭愧，相与围绕至婆枳多城，教彼人民信受邪法：‘瞿昙沙门但说空事。’

“善男子，我时为母处忉利天波利质多树安居说法。是时，六师心大欢喜，唱言：‘善哉！瞿昙幻术今已灭没。’复教无量无数众生增长邪见。尔时，频婆娑罗、波斯匿王及四部众白目连言：‘大德！此阎浮提邪见增长，众生可悯，行大黑暗。惟愿大德，至彼天上，稽首世尊，如我言曰：“譬如犊子，其生未久，若不得乳，必死无疑；我等众生亦复如是。惟愿如来，哀悯众生，还来住此。”’时，目犍连默然而许，如大力士屈伸臂顷，往彼天上，至世尊所，白佛言：‘阎浮提中所有四众渴仰如来，思见闻法。频婆娑罗、波斯匿王及四众等稽首足下：“此阎浮提所有众

<sup>7</sup> 大正藏：须陀洹果；永乐北藏及龙藏：须陀洹

生邪见增长，行大黑暗，甚可怜悯。譬如犊子，其生未久，若不得乳，必死不疑；我等亦尔。惟愿如来为众生故，还来在此阎浮提中。”佛告目连：‘汝今速还至阎浮提，告诸国王及四部众，却后七日，我当还下。为六师故，复当至彼婆积多城。’

“过七日已，佛与释天、梵天、魔天、无量天子及首陀会一切天人，前后围绕，至婆积多城，大师子吼作如是言：‘惟<sup>8</sup>我法中，独有沙门及婆罗门，一切诸法无常无我，涅槃寂静，离诸过患。若言他法亦有沙门及婆罗门，有常、有我、有涅槃者，无有是处。’尔时，无量无边众生发阿耨多罗三藐三菩提心。是时，六师各相谓言：‘若我法中实无沙门、婆罗门者，云何而得世间供养？’于是六师复共<sup>9</sup>集聚，诣毗舍离。

“善男子，我于一时住毗舍离菴罗林间。时，菴罗女知我在中欲来我所。我于尔时，告诸比丘：‘当观念处，善修智慧，随所修习，心莫放逸。云何名为观于念处？若有比丘，观察内身，不见于我及以我所；观察外身及内外身，不见于我及

<sup>8</sup> 大正藏：唯

<sup>9</sup> 大正藏：相



以我所，观受心法亦复如是，是名念处。云何名为修习智慧？若有比丘，真实而见苦、集、灭、道，是名比丘修习智慧。云何名为心不放逸？若有比丘，念佛、念法、念僧、念戒、念舍、念天，是名比丘心不放逸。’

“时，菴罗女即至我所，头面作礼，右绕三匝，修敬已毕，却坐一面。善男子，我于尔时为菴罗女如应说法。是女闻已，发阿耨多罗三藐三菩提心。

“时，彼城中有梨车子，其数五百，来至我所，头面作礼，右绕三匝，修敬已毕，却住<sup>10</sup>一面。我时复为诸梨车子如应说法：‘诸善男子，夫放逸者有五事果。何等为五？一<sup>11</sup>、不得自在财利；二<sup>12</sup>、恶名流布于<sup>13</sup>外；三<sup>14</sup>、不乐惠施穷乏；四<sup>15</sup>、不乐见于四众；五<sup>16</sup>、不得诸天之身。诸善男子，因不放逸，能生世法、出世间法。若有欲得阿耨多罗三藐三菩提者，应当勤修不放逸法。夫放逸者，复得十三果报。何等十三？一<sup>17</sup>、

<sup>10</sup> 大正藏：坐

<sup>11</sup> 大正藏：一者；永乐北藏及龙藏：一

<sup>12</sup> 大正藏：二者；永乐北藏及龙藏：二

<sup>13</sup> 大正藏：无

<sup>14</sup> 大正藏：三者；永乐北藏及龙藏：三

<sup>15</sup> 大正藏：四者；永乐北藏及龙藏：四

<sup>16</sup> 大正藏：五者；永乐北藏及龙藏：五

<sup>17</sup> 大正藏：一者；永乐北藏及龙藏：一

乐为世间作业；二<sup>18</sup>、乐说无益之言；三<sup>19</sup>、常乐久寝睡眠；四<sup>20</sup>、乐说世间事<sup>21</sup>；五<sup>22</sup>、常乐亲近恶友；六<sup>23</sup>、懈怠懒惰；七<sup>24</sup>、常为他人所轻；八<sup>25</sup>、虽有所闻寻复忘失；九<sup>26</sup>、乐处边地；十<sup>27</sup>、不能调伏诸根；十一<sup>28</sup>、食不知足；十二<sup>29</sup>、不乐空寂；十三<sup>30</sup>、所见不正。是名十三。善男子，夫放逸者，虽得近佛及佛弟子，犹故为远。’诸梨车<sup>31</sup>言：‘我等自知是放逸人。何以故？如其我等不放逸者，如来法王当出我土。’

“时，大会中有婆罗门子，名曰无胜，语诸梨车：‘善哉！善哉！如汝所言，频婆娑罗王已获大利。如来世尊出其国土，犹如大池生妙莲华，虽生在水，水不能污。诸梨车子，佛亦如是，虽生彼国，不为世法之所滞阂<sup>32</sup>。诸佛世尊无出无入，为众生故，出现于世，不为世法之所滞阂<sup>33</sup>。’

<sup>18</sup> 大正藏：二者；永乐北藏及龙藏：二

<sup>19</sup> 大正藏：三者；永乐北藏及龙藏：三

<sup>20</sup> 大正藏：四者；永乐北藏及龙藏：四

<sup>21</sup> 大正藏：之事；永乐北藏及龙藏：事

<sup>22</sup> 大正藏：五者；永乐北藏及龙藏：五

<sup>23</sup> 大正藏：六者；永乐北藏及龙藏：六

<sup>24</sup> 大正藏：七者；永乐北藏及龙藏：七

<sup>25</sup> 大正藏：八者；永乐北藏及龙藏：八

<sup>26</sup> 大正藏：九者；永乐北藏及龙藏：九

<sup>27</sup> 大正藏：十者；永乐北藏及龙藏：十

<sup>28</sup> 大正藏：十一者；永乐北藏及龙藏：十一

<sup>29</sup> 大正藏：十二者；永乐北藏及龙藏：十二

<sup>30</sup> 大正藏：十三者；永乐北藏及龙藏：十三

<sup>31</sup> 大正藏：梨车子；永乐北藏及龙藏：梨车

<sup>32</sup> 大正藏：碍

<sup>33</sup> 大正藏：碍

仁等自迷耽荒五欲，不知亲近往如来所，是故名为放逸之人，非佛出于摩伽陀国名放逸也。何以故？如来世尊犹彼日月，非为一人、二人出世。’

“时，诸梨车闻是语已，寻发阿耨多罗三藐三菩提心。复作是言：‘善哉！善哉！无胜童子！快说如是善妙之言。’时，诸梨车各各脱身所著一衣，以施无胜。无胜受已，转以奉我，复作是言：‘世尊！我从梨车得是衣物，惟愿如来哀悯众生，受我所献。’我于尔时，悯彼无胜，即为纳受。时，诸梨车同时合掌，作如是言：‘惟愿如来，于此土地一时安居，受我微供。’我时默然，受梨车请。是时，六师闻是事已，师宗相与诣波罗捺。

“尔时，我复往波罗捺住波罗河边。时，波罗捺有长者子，名曰宝称，耽荒五欲，不知非常。以我到故，自然而得白骨观法，见其殿舍、宫人、嫖女悉为白骨，心生怖惧，如刀、毒蛇、如贼、如火，即出其舍来诣我所，随路而<sup>34</sup>言：‘瞿昙沙门！我今如为贼所追逐，甚大怖惧，愿见救济。’佛言：‘善男子，佛、法、众僧安隐无惧。’长者子言：‘若三宝中无所畏者，我今亦当得无所畏。’

<sup>34</sup> 大正藏：告

我即听其出家为道。时，长者子复有同友，其数五十，遥闻宝称厌离出家，即共和顺，相与出家。

“六师闻已，展转复诣瞻婆大城。时，瞻婆国一切人民悉共奉事六师之徒，初未曾闻佛、法、僧名，多有诸人作极恶业。我于尔时，为众生故，往瞻婆城。时彼城中，有大长者，无有继嗣，供事六师，以求子息。于后不久，其妇怀妊，长者知己，往六师所，欢喜而言：‘我妇怀妊，男耶？女耶？’六师答言：‘生必是女。’长者闻已，心生愁恼。复有知识来谓长者：‘何故愁恼乃至<sup>35</sup>是耶？’长者答言：‘我妇怀妊，未知男女，故问六师。六师见语：“如我相法，生必是女。”我闻是语，自惟年老，财富无量，如其非男，无所付嘱，是故我愁。’知识复言：‘汝无智慧！先不闻耶？优楼频螺迦叶兄弟为谁弟子？佛耶？六师耶？六师若是一切智者，迦叶何故舍之，为佛弟子。又，舍利弗、目犍连等及诸国王频婆娑罗等、诸王夫人、末利夫人等、诸国长者须达多等，如是诸人，非佛弟子耶？旷野鬼神、阿闍世王、护财醉象、鸯掘摩罗恶心炽盛欲害其母，如是等辈斯非如来所调伏耶？长者，如来世尊于一切法知

<sup>35</sup> 大正藏：如

见无阂<sup>36</sup>，故名为佛；发言无二，故名如来；断烦恼故，名阿罗诃。世尊所说终无有二，六师不尔，云何可信？如来今者近在此住，若欲实知，当诣佛所。’

“尔时，长者即与是人来诣我所，头面作礼，右绕三匝，合掌长跪，而作是言：‘世尊于诸众生平等无二，怨亲一相；我为爱结之所系缚，于怨、亲中未能无二。我今欲问如来世事，深自愧惧，未敢发言。世尊！我妇怀妊，六师相言：“生必是女。”是事云何？’佛言：‘长者，汝妇怀妊，是男无疑。其儿生已，福德无比。’尔时，长者闻是语已，生大欢喜，便退还家。

“尔时，六师闻我悬<sup>37</sup>记：‘生者必男，有大福德。’心生嫉妬，以菴罗果和合毒药，持往其家，语长者言：‘快哉！瞿昙善说其相。汝妇临月，可服此药，服此药已，儿则端正，产者无患。’长者欢喜，受其毒药，与妇令服，服已寻死。六师欢喜，周遍城市高声唱言：‘沙门瞿昙记彼长者妇当生男，其儿福德天下无胜。今儿未生，母已丧命。’尔时，长者复于我所生不信心，即依

<sup>36</sup> 大正藏：碍

<sup>37</sup> 大正藏：玄

世法殡敛<sup>38</sup>棺盖，送至城外，多积干薪，以火焚之。

“我以道眼明见此事，顾命阿难：‘取我衣来，吾欲往彼摧灭邪见。’时，毗沙门天告摩尼跋陀大将言：‘如来今欲诣彼冢间，卿可速往，平治扫洒，安师子座，求妙香华庄严其地。’尔时，六师遥见我往，各相谓言：‘瞿昙沙门至此冢间欲啖肉耶？’尔时，多有未得法眼诸优婆塞各怀愧惧而白我言：‘彼妇已死，愿不须往。’尔时，阿难语诸人言：‘且待须臾，如来不久当广开阐诸佛境界。’

“我时到已，坐师子座。长者难言：‘所言无二，可名世尊。母已终亡，云何生子？’我言：‘长者，卿于尔时，都不见问母命修短，但问所怀为是男女。诸佛如来发言无二，是故当知定必得子。’是时，死尸火烧腹裂，子从中出，端坐火中，犹如鸳鸯处莲华台。六师见已，复作是言：‘妖哉！瞿昙，善为幻术。’长者见已，心复欢喜，呵责<sup>39</sup>六师：‘若言幻者，汝何不作？’

“我于尔时，寻告耆婆：‘汝往火中抱是儿

<sup>38</sup> 大正藏：殓

<sup>39</sup> 大正藏：喷

来。’耆婆欲往，六师前牵语耆婆言：‘沙门瞿昙<sup>40</sup>所作幻术未必常尔，或能不能，如其不能，脱能相<sup>41</sup>害，汝今云何信受其语<sup>42</sup>？’耆婆答言：‘如来使入阿鼻地狱，所有猛火尚不能烧，况世间火？’尔时，耆婆前入火聚，犹入清凉大河水中，抱持是儿，还诣我所，授儿与我，我受儿已，告长者言：‘一切众生寿命不定，如水上泡。众生若有重业果报，火不能烧，毒不能害。是儿业报，非我所作。’时，长者言：‘善哉！世尊！是儿若得尽其天命，惟愿如来为立名字。’佛言：‘长者，是儿生于猛火之中，火名树提，应名树提。’尔时，会中见我神化，无量众生发阿耨多罗三藐三菩提心。

“尔时，六师周遍六城不得停足，惭愧低头，复来至此拘尸城<sup>43</sup>。既至此已，唱如是言：‘诸人当知，沙门瞿昙是大幻师，诳惑天下遍六大城。譬如幻师幻作四兵，所谓车兵、马兵、象兵、步兵。又复幻作种种瓔珞、城郭、宫宅、河池、树木。沙门瞿昙亦复如是，幻作王身，为说法故，或作沙门、婆罗门身、男身、女身、小身、大身，

<sup>40</sup> 大正藏：瞿昙沙门；永乐北藏及龙藏：沙门瞿昙

<sup>41</sup> 大正藏：烧

<sup>42</sup> 大正藏：言

<sup>43</sup> 大正藏：拘尸那城；永乐北藏及龙藏：拘尸城

或作畜生、鬼、神之身，或说无常，或说有常，或时说苦，或复<sup>44</sup>说乐，或说有我，或说无我，或说有净，或说无净，或时说有，或时说无，所为虚妄，故名为幻。譬如因子随子得果，瞿昙沙门亦复如是，摩耶所生，母既是幻，子不得非？沙门瞿昙无实知见，诸婆罗门经年积岁修习苦行，护持禁戒，尚言未有真实知见，何况瞿昙年少学浅，不修苦行，云何而有真实知见？若能具满六<sup>45</sup>年苦行，见犹不多，况所修习不满六年？愚人无智，信受其教。如大幻师诳惑愚者，沙门瞿昙亦复如是。’善男子，如是六师于此城中大为众生增长邪见。

“善男子，我见是事心生怜悯，以其神力请召十方诸大菩萨，云集此林，周匝<sup>46</sup>弥满四十由旬，今于此中大师子吼。善男子，虽于空处多有所说，则不得名师子吼也；于此智人大众之中，真得名为大师子吼。师子吼者，说一切法悉无常、苦、无我、不净，唯说如来常、乐、我、净。

“尔时，六师复作是言：‘若瞿昙有我，我亦有我。所言我者，见者名我。瞿昙，譬如有人，

<sup>44</sup> 大正藏：时

<sup>45</sup> 大正藏：七

<sup>46</sup> 大正藏：遍



向中见物，我亦如是，向喻于眼，见者喻我。’

“佛告六师：‘若言见者名我，是义不然。何以故？汝所引喻因向见者，人在一向，六根俱用。若定有我因眼见者，何不如彼一根之中俱伺诸尘？若一根中不能一时闻见六尘，当知无我。所引向喻，虽经百年，见者因之，所见无异。眼根若尔，年迈根熟亦应无异。人向异故，见内见外。眼根若尔，亦应内外一时俱见。若不见者，云何有我？’

“六师复言：‘瞿昙，若无我者，谁能见耶？’

“佛言：‘有色、有明、有心、有眼，是四和合故名为见，是中实无见者、受者，众生颠倒，言有见者及以受者，以是义故，一切众生所见颠倒，诸佛菩萨所见真实。六师，若言色是我者，是亦不然。何以故？色实非我。色若是我，不应而得丑陋形貌，何故复有四姓差别？不悉一种婆罗门耶？何故属他，不得自在，诸根缺陋，生不具足？何故不作诸天之神，而受地狱、畜生、饿鬼种种诸身？若不能得随意作者，当知必定无有我也。以无我故名为无常，无常故苦，以苦故空<sup>47</sup>，空故颠倒，以颠倒故，一切众生轮转生死，

<sup>47</sup> 大正藏：苦故为空；永乐北藏及龙藏：以苦故空

受、想、行、识亦复如是。六师，如來世尊永斷色縛乃至識縛，是故名為常、樂、我、淨。復次，色者即是因緣，若因緣者則名無我，無<sup>48</sup>我者名為苦空。如來之身非是因緣，非因緣故則名有我，有<sup>49</sup>我者即常、樂、淨。’

“六師言<sup>50</sup>：‘瞿曇，色亦非我，乃至識亦非我。我者，遍一切處猶如虛空。’

“佛言：‘若遍有者，則不應言我初不見。若初不見，則知是見本無今有；若本無今有，是名無常；若無常者，云何言遍？若遍有者，五道之中應具有身；若有身者，應各受報；若各受報，云何而言轉受人天？汝言遍者，一耶？多耶？我若一者，則無父子、怨親中人；我若多者，一切眾生所有五根悉應平等，所有業慧亦應如是；若如是者，云何說言根有具足、不具足者？善業、惡業、愚智差別？’

“‘瞿曇，眾生我者，無有邊際。法與非法則有分劑<sup>51</sup>。眾生修法則得好身，若行非法則得惡身。以是義故，眾生業果不得無差。’

“佛言：‘六師，法與非法若如是者，我則

<sup>48</sup> 大正藏：若無；永樂北藏及龍藏：無

<sup>49</sup> 大正藏：若有；永樂北藏及龍藏：有

<sup>50</sup> 大正藏：復言；永樂北藏及龍藏：言

<sup>51</sup> 大正藏：齊

不遍。我若遍者，則應悉到。如其到者，修善之人亦應有惡，行惡之人亦應有善。若不爾者，云何言遍？’

“‘瞿曇，譬如一室，然百千燈，各各自明，不相妨闕<sup>52</sup>。眾生我者，亦復如是，修善行惡，不相雜合。’

“‘汝等若言我如燈者，是義不然。何以故？彼燈之明從緣而有，燈增長故，明亦增長，眾生我者則不如是。明從燈出，住在異處，眾生我者不得如是从身而出，住在異處。彼燈光明與暗共住，何以故？如暗室中然一燈時，照則不了，乃<sup>53</sup>至多燈，乃得明了。若初燈破暗，則不須後燈；若須後燈，當知初明與暗共住。’

“‘瞿曇，若無我者，誰作善惡？’

“佛言：‘若我作者，云何名常？如其常者，云何而得有時作善？有時作惡？若言有時作善、惡者，云何復得言我無邊？若我作者，何故而復習行惡法？如其我是作者、知者，何故生疑眾生無我？以是義故，外道法中定無有我。若言我者，則是如來。何以故？身無邊故、無疑網故。不作

<sup>52</sup> 大正藏：碍

<sup>53</sup> 大正藏：及

不受故名为常，不生不灭故名为乐，无烦恼垢故名为净，无有十相故名为空。是故，如来常、乐、我、净，空无诸相。’

“诸外道言：‘若言如来常、乐、我、净，无相故空，当知瞿昙所说之法则非空也。是故，我今<sup>54</sup>顶戴受持。’尔时，外道其数无量，于佛法中信心出家。

“善男子，以是因缘故，我于此娑罗双树大狮子吼。狮子吼者，名大涅槃。

“善男子，东方双者破于无常获得于常，乃至北方双者破于不净而得于净。善男子，此中众生为双树故护娑罗林，不令外人取其枝叶，斫截破坏。我亦如是，为四法故，令诸弟子护持佛法。何等为四？常、乐、我、净。此四双树四王典掌，我为四王，护持我法，是故于中而般涅槃。

“善男子，娑罗双树花果常茂，常能利益无量众生；我亦如是，常能利益声闻、缘觉。华者，喻我；果者，喻乐。以是义故，我于此间娑罗双树入大寂定。大寂定者，名大涅槃。”

狮子吼<sup>55</sup>言：“世尊！如来何故二月涅槃？”

<sup>54</sup> 大正藏：今当；永乐北藏及龙藏：今

<sup>55</sup> 大正藏：狮子吼；永乐北藏及龙藏：修狮子吼；校勘：狮子吼

“善男子，二月名春。春阳之月，万物生长，种植根栽，华果<sup>56</sup>莠，江河盈满，百兽孚乳。是时，众生多生常想，为破众生如是常心，说一切法悉是无常，唯说如来常住不变。

“善男子，于六时中，孟冬枯悴，众不爱乐；阳春和液，人所贪爱。为破众生世间乐故，演说常乐。我净亦尔，如来为破世我世净，故说如来真实我净。言二月者，喻于如来二种法身；冬不乐者，智者不乐如来无<sup>57</sup>常、入于涅槃；二月乐者，喻于智者爱乐如来常、乐、我、净；种植者，喻诸众生闻法欢喜，便发<sup>58</sup>阿耨多罗三藐三菩提心，种诸善根；河者，喻于十方诸大菩萨来诣我所，咨受如是大涅槃典；百兽孚乳者，喻我弟子生诸善根；华，喻七觉；果，喻四果。以是义故，我于二月入大涅槃。”

师子吼言：“如来初生、出家、成道、转妙法轮，皆以八日，何故涅槃独十五日？”

佛言：“善哉！善哉！善男子，如十五日，月无亏盈；诸佛如来亦复如是，入大涅槃，无有亏盈。以是义故，于十五日入般涅槃。”

<sup>56</sup> 大正藏：敷

<sup>57</sup> 大正藏：无；永乐北藏及龙藏：乐；校勘：无

<sup>58</sup> 大正藏：发

“善男子，如十五日月盛满时，有十一事。何等十一？一、能破暗<sup>59</sup>；二、令众生见道非道；三、令众生见道邪正；四、除郁蒸得清凉乐；五、能破坏萤火高心；六、息一切贼盗之想；七、除众生畏恶兽心；八、能开萼优钵罗华；九、合莲华；十、发行人进路之心；十一、令诸众生乐受五欲，多获快乐。善男子，如来满月亦复如是：一<sup>60</sup>、破坏无明大暗；二<sup>61</sup>、演说正道邪道；三<sup>62</sup>、开示生死邪险<sup>63</sup>、涅槃平正；四<sup>64</sup>、令人远离贪欲、瞋恚、痴热；五<sup>65</sup>、破坏外道无<sup>66</sup>明；六<sup>67</sup>、破坏烦恼结贼；七<sup>68</sup>、除灭畏五盖心；八<sup>69</sup>、开萼众生种善根心；九<sup>70</sup>、覆盖众生五欲之心；十<sup>71</sup>、发起众生进修趣向大涅槃行；十一<sup>72</sup>、令诸众生乐修解脱。以是义故，于十五日入大涅槃，而我真实不入涅槃。我弟子中愚痴恶人，定谓如来入于涅

<sup>59</sup> 大正藏：暗；永乐北藏：暗；龙藏：开；校勘：暗

<sup>60</sup> 大正藏：一者；永乐北藏及龙藏：一

<sup>61</sup> 大正藏：二者；永乐北藏及龙藏：二

<sup>62</sup> 大正藏：三者；永乐北藏及龙藏：三

<sup>63</sup> 大正藏：险

<sup>64</sup> 大正藏：四者；永乐北藏及龙藏：四

<sup>65</sup> 大正藏：五者；永乐北藏及龙藏：五

<sup>66</sup> 大正藏：光

<sup>67</sup> 大正藏：六者；永乐北藏及龙藏：六

<sup>68</sup> 大正藏：七者；永乐北藏及龙藏：七

<sup>69</sup> 大正藏：八者；永乐北藏及龙藏：八

<sup>70</sup> 大正藏：九者；永乐北藏及龙藏：九

<sup>71</sup> 大正藏：十者；永乐北藏及龙藏：十

<sup>72</sup> 大正藏：十一者；永乐北藏及龙藏：十一

槃。譬如母人，多有诸子，其母舍行至他国土，未还之顷，诸子各言：‘我母已死。’而是母人实不死也。”

师子吼菩萨言：“世尊！何等比丘能庄严此娑罗双树？”

“善男子，若有比丘，受持读诵十二部经，正其文句，通达深义，为人解说初、中、后善，为欲利益无量众生演说梵行，如是比丘则能庄严娑罗双树。”

师子吼言：“世尊！如我解佛所说义者，阿难比丘即其人也。何以故？阿难比丘受持读诵十二部经，为人开说正语正义，犹如泻水置之异器，阿难比丘亦复如是，从佛所闻，如闻转<sup>73</sup>说。”

“善男子，若有比丘得净天眼，见于十方三千大千世界所有，如观掌中菴摩勒果，如是比丘亦能庄严娑罗双树。”

师子吼言：“世尊！若如是者，阿尼楼驮比丘即其人也。何以故？阿尼楼驮天眼见于三千大千世界所有，乃至中阴，悉能明了，无障阂<sup>74</sup>故。”

“善男子，若有比丘，少欲知足，心常<sup>75</sup>寂

<sup>73</sup> 大正藏：传

<sup>74</sup> 大正藏：碍

<sup>75</sup> 大正藏：乐

静，勤行精进，念定慧解，如是比丘，则能庄严娑罗双树。”

师子吼言：“世尊！若如是者，迦叶比丘即其人也。何以故？迦叶比丘善修少欲知足等法。”

“善男子，若有比丘，为益众生，不为利养，修习通达无诤三昧、圣行、空行，如是比丘则能庄严娑罗双树。”

师子吼言：“世尊！若如是者，须菩提比丘即其人也。何以故？须菩提者善修无诤、圣行、空行故。”

“善男子，若有比丘善修神通，一念之中能作种种神通变化，一心一定能作二果，所谓水、火，如是比丘则能庄严娑罗双树。”

师子吼言：“世尊！若如是者，目连比丘即其人也。何以故？目犍连者善修神通，无量变化故。”

“善男子，若有比丘，善修大智、利智、疾智<sup>76</sup>、解脱智、甚深智、广智、无边智、无胜智、实智，具足成就如是慧根，于怨亲中心无差别，若闻如来涅槃无常心不<sup>77</sup>忧戚，若闻常住不入涅槃

<sup>76</sup> 大正藏：庄严智；永乐北藏及龙藏：疾智

<sup>77</sup> 大正藏：无



槃不生欣庆，如是比丘，则能庄严娑罗双树。”

师子吼言：“世尊！若如是者，舍利弗比丘即其人也。何以故？舍利弗者，善能成就具足如是大智慧故。”

“善男子，若有比丘，能说众生悉有佛性，得金刚身，无有边际，常、乐、我、净，身心无阂<sup>78</sup>，得八自在，如是比丘，则能庄严娑罗双树。”

师子吼言：“世尊！若如是者，惟有如来是其人也。何以故？如来之身金刚无边，常、乐、我、净，身心无阂<sup>79</sup>，具八自在故。世尊！惟有如来乃能庄严娑罗双树，如其无者则不端严。惟愿大慈为庄严故，常住于此娑罗树林。”

佛言：“善男子，一切诸法，性无住住，汝云何言，愿如来住？善男子，凡言住者，名为色法，从因缘生，故名为住。因缘无处，故名无住住<sup>80</sup>。如来已断一切色缚，云何当言愿如来住耶？受、想、行、识亦复如是。

“善男子，住，名憍慢；以憍慢故，不得解脱；不得解脱故，名为住。谁有憍慢？从何处来？是故得名为无住住。如来永断一切憍慢，云何而

<sup>78</sup> 大正藏：碍

<sup>79</sup> 大正藏：碍

<sup>80</sup> 大正藏：无住；永乐北藏及龙藏：无住住

言愿如来住？住者，名有为法，如来已断有为之法，是故不住；住者，名为空法<sup>81</sup>，如来已断如是空法，是故获得常、乐、我、净。云何而言愿如来住？住者，名为二十五有，如来已断二十五有，云何而言愿如来住？住者，即是一切凡夫，诸圣无去、无来、无住，如来已断去、来、住相，云何言住？

“夫无住者，名无边身，身无边故，云何而言惟愿如来住娑罗林？若住此林，则是有边身，若有边则是无常，如来是常，云何言住？夫无住者，名曰虚空。如来之性同于虚空，云何言住？

“又，无住者名金刚三昧，金刚三昧坏一切住，金刚三昧即是如来，云何言住？

“又，无住者则名为幻，如来同幻，云何言住？

“又，无住者名无始终，如来之性无有始终，云何言住？

“又，无住者名无边法界，无边法界即是如来，云何言住？

“又，无住者名首楞严三昧，首楞严三昧知一切法而无所著，以无著故名首楞严，如来具足

<sup>81</sup> 大正藏：住名空法；永乐北藏及龙藏：住者名为空法

首楞严定，云何言住？

“又，无住者名处非处力，如来成就处非处力，云何言住？

“又，无住者名檀波罗蜜，檀波罗蜜若有住者，则不得至尸波罗蜜乃至般若波罗蜜，以是<sup>82</sup>故，檀波罗蜜名为无住，如来乃至不住般若波罗蜜，云何愿言如来常住娑罗树林？

“又，无住者名修四念处，如来若住四念处者则不能得阿耨多罗三藐三菩提，名不住住。

“又，无住者名无边众生界，如来悉到一切众生无边界分，而无所住。

“又，无住者名无屋宅，无屋宅者名为无有，无有者名为无生，无生者名为无死，无死者名为无相，无相者名为无系，无系者名为无著，无著者名为无漏，无漏即善，善即无为，无为者即大涅槃常，大涅槃常者即我，我者即净，净者即乐，常、乐、我、净即是如来。

“善男子，譬如虚空，不住东方、南西北方、四维上下；如来亦尔，不住东方、南西北方、四维上下。

“善男子，若有说言身、口、意恶得善果者，

<sup>82</sup> 大正藏：以是义；永乐北藏及龙藏：以是

无有是处；身、口、意善得恶果者，亦无是处。若言凡夫得见佛性十住菩萨不得见者，亦无是处。一阐提辈、犯五逆罪、谤方等经、毁四重禁得阿耨多罗三藐三菩提者，亦无是处。六住菩萨烦恼因缘堕三恶道，亦无是处。菩萨摩訶萨以真女身得阿耨多罗三藐三菩提者，亦无是处。一阐提常、三宝无常，亦无是处。如来住于拘尸城<sup>83</sup>，亦无是处。

“善男子，如来今于此拘尸城，入大三昧深禅定窟，众不见故，名大涅槃。”

师子吼言：“如来何故入禅定窟？”

“善男子，为欲度脱诸众生故，未种善根令得种故，已种善根得增长故，善果未熟令得熟故，为已熟者说趣阿耨多罗三藐三菩提故，轻贱善法者令生尊贵故，诸有放逸者令离放逸故，为与文殊师利等诸大香象共论议故，为欲教化乐读诵者深爱禅定故，为以圣行梵行天行化众生故，为观不共深法藏故，为欲呵责放逸弟子故。如来常寂，犹尚乐定，况汝等辈烦恼未尽而生放逸？为欲呵责诸恶比丘受畜八种不净之物及不少欲、不知足故，为令众生尊重所闻禅定法故，以是因缘入禅

<sup>83</sup> 大正藏：拘尸那城；永乐北藏及龙藏：拘尸城

定窟。”

师子吼言：“世尊！无相定者名大涅槃，是故涅槃名为无相。以何因缘，名为无相？”

“善男子，无十相故。何等为十？所谓色相、声相、香、味、触相、生、住、坏相、男相、女相，是名十相。无如是相，故名无相。善男子，夫著相者，则能生痴，痴故生爱，爱故系缚，系缚故受生，生故有死，死故无常。不著相者，则不生痴，不生痴故则无有爱，无有爱故则无系缚，无系缚故则不受生，不受生故则无有死，无有死故则名为常。以是义故，涅槃名常。”

师子吼言：“世尊！何等比丘能断十相？”

佛言：“善男子，若有比丘，时时修习三相者，则断十相。时时修习三昧定相，时时修习智慧之相，时时修习舍相，是名三相。”

师子吼言：“世尊！云何名为定、慧、舍相？定是三昧者，一切众生皆有三昧，云何方言修习三昧？若心在一境则名三昧，若更余缘则不名三昧。如其不定非一切智，非一切智云何名定？若以一行得三昧者，其余诸行亦非三昧，若非三昧则非一切智，若非一切智，云何名三昧？慧、舍二相亦复如是。”

佛言：“善男子，如汝所言：‘缘于一境得名三昧，其余诸缘不名三昧。’是义不然。何以故？如是余缘亦一境故，行亦如是。

“又，言众生先有三昧不须修者，是亦不然。所以者何？言三昧者，名善三昧，一切众生真实未有，云何而言不须修习？以住如是善三昧中观一切法，名善慧相。不见三昧智慧异相，是名舍相。

“复次，善男子，若取色相，不能观色常、无常相，是名三昧；若能观色常、无常相，是名慧相；三昧慧等观一切法，是名舍相。

“善男子，如善御驾驷，迟疾得所；迟疾得所，故名舍相。菩萨亦尔，若三昧多者则修习慧；若慧多者则修习三昧；三昧慧等，则名为舍。

“善男子，十住菩萨智慧力多、三昧力少，是故不得明见佛性；声闻、缘觉三昧力多、智慧力少，以是因缘不见佛性；诸佛世尊，定慧等故，明见佛性，了了无碍<sup>84</sup>，如观掌中菴摩勒果。见佛性者，名为舍相。

“奢摩他者名为能灭，能灭一切烦恼结故。又，奢摩他者名曰能调，能调诸根恶不善故。又，

<sup>84</sup> 大正藏：碍

奢摩他者名曰寂静，能令三业成寂静故。又，奢摩他者名曰远离，能令众生离五欲故。又，奢摩他者名曰能清，能清贪欲、瞋恚、愚痴三浊法故。以是义故，故名定相。

“毗婆舍那名为正见，亦名了见，名为能见，名曰遍见，名次第见，名别相见，是名为慧。

“忧毕叉者名曰平等，亦名不诤，又名不观，亦名不行，是名为舍。

“善男子，奢摩他<sup>85</sup>有二种：一<sup>86</sup>、世间；二、出世间。

“复有二种：一<sup>87</sup>、成就；二、不成就。成就者，所谓诸佛菩萨；不成就者，所谓声闻、辟支佛等。

“复有三种：下<sup>88</sup>、中、上。下者，谓诸凡夫；中者，声闻、缘觉；上者，诸佛菩萨。

“复有四种：一、退；二、住；三、进；四、能大利益。

“复有五种：所谓五智三昧。何等为五？一、无食三昧；二、无过三昧；三、身意清净一心三昧；四、因果俱乐三昧；五、常念三昧。

<sup>85</sup> 大正藏：奢摩他者；永乐北藏及龙藏：奢摩他

<sup>86</sup> 大正藏：一者；永乐北藏及龙藏：一

<sup>87</sup> 大正藏：一者；永乐北藏及龙藏：一

<sup>88</sup> 大正藏：谓下；永乐北藏及龙藏：下

“复有六种：一、观骨三昧；二、慈三昧；三、观十二因缘三昧；四、阿那波<sup>89</sup>那三昧；五、念觉观三昧；六、观生灭三昧。

“复有七种，所谓七觉分：一、念觉分；二、择法觉分；三、精进觉分；四、喜觉分；五、除觉分；六、定觉分；七、舍觉分。

“复有七种：一、须陀洹三昧；二、斯陀含三昧；三、阿那含三昧；四、阿罗汉三昧；五、辟支佛三昧；六、菩萨三昧；七、如来觉知三昧。

“复有八种，谓八解脱三昧：一、内有色相外观<sup>90</sup>色解脱三昧；二、内无色相外观色解脱三昧；三、净解脱身证三昧；四、空处解脱三昧；五、识处解脱三昧；六、无所有处解脱三昧；七、非有想非无想处解脱三昧；八、灭尽定解脱三昧。

“复有九种，所谓九次第定：四禅、四空及灭尽定三昧。

“复有十种，所谓十一切处三昧。何等十<sup>91</sup>？  
一<sup>92</sup>、地一切处三昧；二<sup>93</sup>、水一切处三昧；三<sup>94</sup>、

<sup>89</sup> 大正藏：婆

<sup>90</sup> 大正藏：内有色相外观；永乐北藏及龙藏：色观；校勘：内有色相外观

<sup>91</sup> 大正藏：为十；永乐北藏及龙藏：十

<sup>92</sup> 大正藏：一者；永乐北藏及龙藏：一

<sup>93</sup> 大正藏：二者；永乐北藏及龙藏：二

<sup>94</sup> 大正藏：三者；永乐北藏及龙藏：三



风一切处三昧；四<sup>95</sup>、青一切处三昧；五<sup>96</sup>、黄一切处三昧；六<sup>97</sup>、赤一切处三昧；七<sup>98</sup>、白一切处三昧；八<sup>99</sup>、空一切处三昧；九<sup>100</sup>、识一切处三昧；十<sup>101</sup>、无所有一切处三昧。

“复有无数种，所谓诸佛菩萨。

“善男子，是名三昧相。

“善男子，慧有二种：一<sup>102</sup>、世间；二、出世间。

“复有三种：一<sup>103</sup>、般若；二<sup>104</sup>、毗婆舍那；三<sup>105</sup>、阇那。般若者，名一切众生；毗婆舍那者，一切圣人；阇那者，诸佛菩萨。又，般若者，名为别相；毗婆舍那<sup>106</sup>，名为总相；阇那者，名为破相。

“复有四种，所谓观四真谛。

“善男子，为三事故，修奢摩他。何等三<sup>107</sup>？”

<sup>95</sup> 大正藏：四者；永乐北藏及龙藏：四

<sup>96</sup> 大正藏：五者；永乐北藏及龙藏：五

<sup>97</sup> 大正藏：六者；永乐北藏及龙藏：六

<sup>98</sup> 大正藏：七者；永乐北藏及龙藏：七

<sup>99</sup> 大正藏：八者；永乐北藏及龙藏：八

<sup>100</sup> 大正藏：九者；永乐北藏及龙藏：九

<sup>101</sup> 大正藏：十者；永乐北藏及龙藏：十

<sup>102</sup> 大正藏：一者；永乐北藏及龙藏：一

<sup>103</sup> 大正藏：一者；永乐北藏及龙藏：一

<sup>104</sup> 大正藏：二者；永乐北藏及龙藏：二

<sup>105</sup> 大正藏：三者；永乐北藏及龙藏：三

<sup>106</sup> 大正藏：毗婆舍那者；永乐北藏及龙藏：毗婆舍那

<sup>107</sup> 大正藏：何等三；永乐北藏及龙藏：何等三

一<sup>108</sup>、不放逸故；二<sup>109</sup>、庄严大智故；三<sup>110</sup>、得自在故。

“复次，为三事故，修毗婆舍那。何等为三？

一<sup>111</sup>、为观生死恶果报故；二<sup>112</sup>、为欲增长诸善根故；三者、为破一切诸烦恼故。”

大般涅槃经卷第二十八

<sup>108</sup> 大正藏：一者；永乐北藏及龙藏：一

<sup>109</sup> 大正藏：二者；永乐北藏及龙藏：二

<sup>110</sup> 大正藏：三者；永乐北藏及龙藏：三

<sup>111</sup> 大正藏：一者；永乐北藏及龙藏：一

<sup>112</sup> 大正藏：二者；永乐北藏及龙藏：二

# 大般涅槃经卷第二十九

北凉天竺三藏昙无讖译 梵

宋沙门慧严慧观同谢灵运再治

## 师子吼菩萨品第二十三之五<sup>113</sup>

师子吼言：“世尊！如经中说，若毗婆舍那能破烦恼，何故复修奢摩他耶？”

佛言：“善男子，汝言毗婆舍那破烦恼者，是义不然。何以故？有智慧时则无烦恼，有烦恼时则无智慧。云何而言毗婆舍那能破烦恼？善男子，譬如明时无暗，暗时无明。若有说言明能破暗，无有是处。善男子，谁有智慧？谁有烦恼？而言智慧能破烦恼，如其无者，则无所破。

“善男子，若言智慧能破烦恼，为到故破？不到故破？若不到破者，凡夫众生则应能破。若到故破者，初念应破；若初念不破，后亦不破；若初到便破，是则不到，云何说言智慧能破？若言到与不到而能破者，是义不然。

“复次，毗婆舍那破烦恼者，为独能破？为伴故破？若独能破，菩萨何故修八正道？若伴故

<sup>113</sup> 大正藏：师子吼菩萨品之五

破，当知独则不能破也；若独不能，伴亦不能。如一盲人不能见色，虽伴众盲亦不能见；毗婆舍那亦复如是。

“善男子，如地坚性、火热性、水湿性、风动性，而地坚性，乃至风动性，非因缘作，其性自尔。如四大性，烦恼亦尔，性自是断。若是断者，云何而言智慧能断？以是义故，毗婆舍那决定不能破诸烦恼。

“善男子，如盐性咸，令异物咸；蜜本性甘，令异物甘；水本性湿，令异物湿。智慧性灭，令法<sup>114</sup>灭者，是义不然。何以故？若法无灭，云何智慧强能令灭？若言盐咸令异物咸，慧灭亦尔，令<sup>115</sup>异法灭者，是亦不然。何以故？智慧之性念念灭故。若念念灭，云何而言能灭他法？以是义故，智慧之性不破烦恼。

“善男子，一切诸法有二种灭：一<sup>116</sup>、性灭；二<sup>117</sup>、毕竟灭。若性灭者，云何而言智慧能灭？若言智慧能灭烦恼，如火烧物，是义不然。何以故？如火烧物则有遗烬；智慧若尔，应有余烬。如斧伐树，破处可见；智慧若尔，有何可见？慧

<sup>114</sup> 大正藏：异法；永乐北藏及龙藏：法

<sup>115</sup> 大正藏：能令；永乐北藏及龙藏：令

<sup>116</sup> 大正藏：一者；永乐北藏及龙藏：一

<sup>117</sup> 大正藏：二者；永乐北藏及龙藏：二

若能令煩惱離者，如是煩惱應余處現，如諸外道離六大城，拘尸城現。若是煩惱不余處現，則知智慧不能令離。

“善男子，一切諸法性若自空，誰能令生？誰能令滅？生異滅異，無造作者。善男子，若修習定，則得如是正智正見。以是義故，我經中說：‘若有比丘修習定者，能見五陰出<sup>118</sup>滅之相。’善男子，若不修定，世間之事尚不能了，況于出世？若无定者，平處顛墜，心緣異法，口宣異言，耳聞異聲，心解異義，欲造異字，手書異文，欲行異路，身涉異徑。若有修習三昧定者，則大利益，乃至阿耨多羅三藐三菩提。

“善男子，菩薩摩訶薩具足二法能大利益：一、定；二、智。善男子，如刈菅草，執急則斷；菩薩摩訶薩修是二法亦復如是。善男子，如拔堅木，先以手动，后则易出；菩薩定、慧亦复如是，先以定动，后以智拔。善男子，如澣<sup>119</sup>垢衣，先以灰汁，后以清水，衣则鲜洁；菩薩定、慧亦复如是。善男子，如先读诵，后则解义；菩薩定、慧亦复如是。善男子，譬如勇人，先以铠仗牢自

<sup>118</sup> 大正藏：生

<sup>119</sup> 大正藏：浣

庄严，然后御阵，能坏怨贼；菩萨定、慧亦复如是。善男子，譬如工<sup>120</sup>匠，甘鬲<sup>121</sup>盛金，自在随意挠搅镕销<sup>122</sup>；菩萨定、慧亦复如是。善男子，譬如明镜，照了面像；菩萨定、慧亦复如是。善男子，如先平地，然后下种，先从师受，后思惟义；菩萨定、慧亦复如是。以是义故，菩萨摩訶萨修是二法能大利益。

“善男子，菩萨摩訶萨修是二法，调摄五根，堪忍众苦，所谓饥、渴、寒、热、打掷、骂辱、恶兽所啗、蚊虻所螫，常摄其心，不令放逸，不为利养行于非法，客尘烦恼所不能污，不为诸邪异见所惑，常能远离诸恶觉观，不久成就阿耨多罗三藐三菩提，为欲成就利益<sup>123</sup>众生故。

“善男子，菩萨摩訶萨修是二法，四倒暴风不能吹动，如须弥山虽为四风之所吹鼓，不能令动；不为外道邪师所拔，如帝释幢不可移转；众邪异术不能诳惑，常受微妙第一安乐，能解如来深秘密义，受乐不欣，逢苦不戚<sup>124</sup>，诸天世人恭敬赞叹，明见生死及非生死，善能了知法界法性，

<sup>120</sup> 大正藏：巧

<sup>121</sup> 大正藏：钳錡；永乐北藏及龙藏：甘鬲

<sup>122</sup> 大正藏：托搅融消；永乐北藏及龙藏：挠搅镕销

<sup>123</sup> 大正藏：利；永乐北藏及龙藏：利益

<sup>124</sup> 大正藏：戚

身有常、乐、我、净之法，是则名为大涅槃乐。

“善男子，定相者，名空三昧；慧相者，名无愿三昧；舍相者，名无相三昧。善男子，若有菩萨摩訶萨善知定时、慧时、舍时及知非时，是名菩萨<sup>125</sup>行菩提道。”

师子吼言：“世尊！云何菩萨知时非时？”

“善男子，菩萨摩訶萨因于受乐生大憍慢，或因说法而生憍慢，或因精勤而生憍慢，或因解义善问答时而生憍慢，或因亲近恶知识故而生憍慢，或因布施所重之物而生憍慢，或因世间善法功德而生憍慢，或因世间豪贵之人所恭敬故而生憍慢，当知尔时不宜修智，宜应修定，是名菩萨知时非时。

“若有菩萨勤修精进，未得利益涅槃之乐，以不得故生于悔心，以钝根故不能调伏五情诸根，诸垢烦恼势力盛故自疑戒律，有羸损故，当知尔时不宜修定，宜应修智，是名菩萨知时非时。

“善男子，若有菩萨定、慧二法不平等者，当知尔时不宜修舍；二法若等，则宜修之，是名菩萨知时非时。

“善男子，若有菩萨修习定、慧起烦恼者，

<sup>125</sup> 大正藏：菩萨摩訶萨；永乐北藏及龙藏：菩萨

当知尔时不宜修舍，宜应读诵、书写、解说十二部经，念佛、念法、念僧、念戒、念天、念舍，是名修舍。

“善男子，若有菩萨修习如是三法相者，以是因缘得无相涅槃。”

师子吼言：“世尊！无十相故，名大涅槃。为无相者，复以何缘名为无生、无出、无作、屋宅、洲、归、安隐、灭度、涅槃、寂静、无诸病苦、无所有耶？”

佛言：“善男子，无因缘故，故名无生；以无为故，故名无出；无造业故，故名无作；不入五见，故名屋宅；离四暴<sup>126</sup>水，故名为洲；调众生故，故名归依；坏结贼故，故名安隐；诸结火灭，故名灭度；离觉观故，故名涅槃；远愆闹故，名为<sup>127</sup>寂静；永断必死，故名无病；一切无故，名无所有。善男子，若菩萨<sup>128</sup>作是观时，即得明了见于佛性。”

师子吼言：“世尊！菩萨摩訶萨成就几法，能见如是无相涅槃至无所有？”

佛言：“善男子，菩萨摩訶萨成就十法，则

<sup>126</sup> 大正藏：瀑

<sup>127</sup> 大正藏：曰

<sup>128</sup> 大正藏：菩萨摩訶萨；永乐北藏及龙藏：菩萨



能明见涅槃无相至无所有。何等为十？一<sup>129</sup>，信心具足。云何名为信心具足？深信佛、法、众僧是常，十方诸佛方便示现，一切众生及一阐提悉有佛性，不信如来生、老、病、死及修苦行、提婆达多真实破僧出佛身血、如来毕竟入于涅槃、正法灭尽，是名菩萨信心具足。

“二<sup>130</sup>，净戒具足。云何名为净戒具足？善男子，若有菩萨自言戒净，虽不与彼女人和合，见女人时，或共嘲调、言语、戏笑，如是菩萨成就欲法，毁破净戒，污辱梵行，令戒杂秽，不得名为净戒具足。复有菩萨自言戒净，虽不与彼女人身合、嘲调、戏笑，于壁障外，遥闻女人璎珞、环钏种种诸声，心生爱著，如是菩萨成就欲法，毁破净戒，污辱梵行，令戒杂秽，不得名为净戒具足。复有菩萨自言戒净，虽复不与女人和合、言语、嘲调、听其音声，然见男子随逐女时，或见女人随逐男时，便生贪著，如是菩萨成就欲法，毁破净戒，污辱梵行，令戒杂秽，不得名为净戒具足。复有菩萨自言戒净，虽复不与女人和合、言语、嘲调、听其音声、见男女相随，然为生天

<sup>129</sup> 大正藏：一者；永乐北藏及龙藏：一

<sup>130</sup> 大正藏：一者；永乐北藏及龙藏：一

受五欲乐，如是菩萨成就欲法，毁破净戒，污辱梵行，令戒杂秽，不得名为净戒具足。善男子，若有菩萨清净持戒，而不为戒、不为尸<sup>131</sup>波罗蜜、不为众生、不为利养、不为菩提、不为涅槃、不为声闻辟支佛，惟<sup>132</sup>为最上第一义故护持禁戒，善男子，是名菩萨净戒具足。

“三者，亲近诸善知识。善知识者，若有能说信、戒、多闻、布施、智慧，令人受行，是名菩萨善知识也。

“四者，乐于寂静。寂静者，所谓身心寂静。观察诸法甚深法界，是名寂静。

“五者，精进。精进者，所谓系心观四圣<sup>133</sup>谛，设头火然，终不放弃，是名精进。

“六者，念具足。念具足者，所谓念佛、念法、念僧、念戒、念天、念舍，是名念具足。

“七者，软语。软语者，所谓实语、妙语、先意问讯、时语、真语，是名软语。

“八者，护法。护法者，所谓受<sup>134</sup>乐正法，常乐演说、读诵、书写、思惟其义、广宣敷扬，令其流布。若见有人书写、解说、读诵、赞叹、

<sup>131</sup> 大正藏：尸罗；永乐北藏及龙藏：尸

<sup>132</sup> 大正藏：唯

<sup>133</sup> 大正藏：正

<sup>134</sup> 大正藏：爱

思惟义者，为求资生而供养之，所谓衣服、饮食、卧具、医药。为护法故，不惜身命。是名护法。

“九者，菩萨<sup>135</sup>见有同学、同戒有所乏少，转从他乞，熏钵染衣、瞻病所须、衣服饮食、卧具房舍而供给之。

“十者，具足智慧。智慧者，所谓观于如来常、乐、我、净，一切众生悉有佛性，观法二相，所谓空、不空，常、无常，乐、无乐，我、无我，净、不净，异法可断、异法不可断，异法从缘生、异法从缘见、异法从缘果、异法非缘果，是名具足智慧。

“善男子，是名菩萨具足十法则<sup>136</sup>能明见涅槃无相。”

师子吼言：“世尊！如佛先告纯陀：‘汝今已得见于佛性，得大涅槃，成<sup>137</sup>阿耨多罗三藐三菩提。’是义云何？”

“世尊！如佛经<sup>138</sup>中说，若施畜生，得百倍报；施一阐提，得千倍报；施持戒者，百千倍报；若施外道断烦恼者，得无量报；施四道向及以四果至辟支佛，得无量报；施不退菩萨及最后身诸

<sup>135</sup> 大正藏：菩萨摩訶萨；永乐北藏及龙藏：菩萨

<sup>136</sup> 大正藏：即

<sup>137</sup> 大正藏：成就；永乐北藏及龙藏：成

<sup>138</sup> 大正藏：经；永乐北藏及龙藏：佛经

大菩萨、如来世尊，所得福报无量无边，不可称计，不可思议。纯陀大士若受如是无量报者，是报无尽，何时当得阿耨多罗三藐三菩提？

“世尊！经中复说若人重心造善恶业必得果报，若现世受、若次生受、若后世受。纯陀善业重心作故，当知是业必定受报。若定受报，云何得成阿耨多罗三藐三菩提？云何复得见于佛性？

“世尊！经中复说施三种人果报无尽：一<sup>139</sup>、病人；二<sup>140</sup>、父母；三<sup>141</sup>、如来。世尊！经中复说：佛告阿难：‘一切众生如其无有欲界业者，即得阿耨多罗三藐三菩提；色、无色业亦复如是。’世尊！如法句偈：‘非空非海中，非入山石间，无有地方所，脱之不受业。’又，阿尼楼驮言：‘世尊！我忆往昔，以一食施，八万劫中，不堕三恶。’世尊！一食之施尚得是报，何况纯陀信心施佛，具足成就檀波罗蜜？

“世尊！若善果报不可尽者，谤方等经、犯五逆罪、毁四重禁、一阐提罪，云何可尽？若不可尽，云何能得见于佛性、成阿耨多罗三藐三菩

<sup>139</sup> 大正藏：一者；永乐北藏及龙藏：一

<sup>140</sup> 大正藏：二者；永乐北藏及龙藏：二

<sup>141</sup> 大正藏：三者；永乐北藏及龙藏：三

提？”

佛言：“善哉！善哉！善男子，唯有二人能得无量无边功德，不可称计，不可宣说，能竭生死漂流暴<sup>142</sup>河，降魔怨敌，摧魔胜幢，能转如来无上法轮：一者，善问；二者，善答。

“善男子，佛十力中，业力最深。善男子，有诸众生，于业缘中，心轻不信，为度彼故，作如是说。

“善男子，一切作业有轻、有重。轻、重二业复各有二：一<sup>143</sup>、决定；二、不决定。善男子，或有人言：‘恶业无果，若言恶业定有果者，云何气嘘旃陀罗而得生天？鸯崛魔罗<sup>144</sup>得解脱果？以是义故，当知作业有定得果、不定得果。’我为除断如是邪见故，于经中说如是语：‘一切作业，无不得果。’善男子，或有重业可得作轻，或有轻业可得作重，非一切人，唯有愚、智，是故当知，非一切业悉定得果，虽不定得，亦非不得。

“善男子，一切众生凡有二种：一<sup>145</sup>、智人；

<sup>142</sup> 大正藏：瀑

<sup>143</sup> 大正藏：一者；永乐北藏及龙藏：一

<sup>144</sup> 大正藏：鸯掘摩罗；永乐北藏及龙藏：鸯崛魔罗

<sup>145</sup> 大正藏：一者；永乐北藏及龙藏：一

二<sup>146</sup>、愚人。有智之人，以智慧力，能令地狱极重之业，现世轻受；愚痴之人，现世轻业，地狱重受。”

师子吼言：“世尊！若如是者，则不应求清净梵行及解脱果。”

佛言：“善男子，若一切业定得果者，则不应求梵行解脱；以不定故，则修梵行及解脱果。善男子，若能远离一切恶业则得善果，若远善业则得恶果。若一切业定得果者，则不应求修习圣道；若不修道，则无解脱。一切圣人所以修道，为坏定业得轻报故，不定之业无果报故。若一切业定得果者，则不应求修习圣道。若人远离修习圣道得解脱者，无有是处；不得解脱得涅槃者，亦无是处。

“善男子，若一切业定得果者，一世所作纯善之业，应当永已，常受安乐；一世所作极重恶业，亦应永已，受大苦恼。业果若尔，则无修道、解脱、涅槃。人作人受，婆罗门作婆罗门受，若如是者，则不应有下姓下有，人应常人，婆罗门应常婆罗门。小时作业应小时受，不应中年及老时受；老时作恶生地狱中，地狱初身不应便受，

<sup>146</sup> 大正藏：二者；永乐北藏及龙藏：二

应待老时然后乃受。若老时不杀，不应壮年得寿；若无壮寿，云何至老？业无失故。业若无失，云何而有修道、涅槃？

“善男子，业有二种：定以不定。定业有二：一<sup>147</sup>、报定；二<sup>148</sup>、时定。或有报定而时不定，缘合则受。或三时受，所谓现受、生受、后受。

“善男子，若定心作善恶等业，作已深生信心欢喜，若发誓愿供养三宝，是名定业。

“善男子，智者善根深固难动，是故能令重业为轻；愚痴之人不善深厚，能令轻业而作重报。以是义故，一切诸业不名决定。菩萨摩訶萨无地狱业，为众生故，发大誓愿生地狱中。

“善男子，往昔众生寿百年时，恒沙众生受地狱报。我见是已，即发大愿受地狱身。菩萨尔时实无是业，为众生故，受地狱果。我于尔时在地狱中，经无量岁为诸罪人广开分别十二部经。诸人闻已，坏恶果报，令地狱空，除一阐提。是名菩萨摩訶萨非现、生、后受是恶业。

“复次，善男子，是贤劫中，无量众生堕畜生中，受恶业果。我见是已，复发誓愿，为欲说

<sup>147</sup> 大正藏：一者；永乐北藏及龙藏：一

<sup>148</sup> 大正藏：二者；永乐北藏及龙藏：二

法度众生故，或作麀、鹿、黑、鸽、猕猴、龙、蛇、金翅、鱼、鳖、狐、兔、牛、马之身。善男子，菩萨摩訶萨实无如是畜生恶业，以大愿力为众生故，现受是身，是名菩萨摩訶萨非现、生、后受是恶业。

“复次，善男子，是贤劫中，复有无量无边众生，生饿鬼中，或食吐汁、脂、肉、脓、血、屎、尿、涕、唾，寿命无量百千万岁，初不曾闻浆水之名，况复眼见而得饮耶<sup>149</sup>？设遥见水，生意往趣，到则变成猛火、脓血。或时不变，则有多人手执矛稍<sup>150</sup>，遮护捉持，不令得前。或夏<sup>151</sup>降雨，至身成火。是名恶业果报。善男子，菩萨摩訶萨实无如是诸恶业果，为化众生令得解脱故，发誓愿受如是身，是名菩萨摩訶萨非现、生、后受是恶业。

“善男子，我于贤劫生屠脍家，畜养鸡、猪、牛、羊，搯猎、罗网、渔捕，旃陀罗舍作贼劫盗。菩萨实无如是恶业，为度众生令得解脱，以大愿力受如是身，是名菩萨摩訶萨非现、生、后受是恶业。

<sup>149</sup> 大正藏：也

<sup>150</sup> 大正藏：槊

<sup>151</sup> 大正藏：天



“善男子，是賢劫中，復生邊地，多作貪欲、瞋恚、愚痴，習行非法，不信三寶後世果報，不能恭敬父母親老、耆舊長宿。善男子，菩薩爾時實無是業，為令眾生得解脫故，以大願力而生其中，是名菩薩摩訶薩非現、生、後受是惡業。

“善男子，是賢劫中，復受女身、惡身、貪身、瞋身、痴身、妬身、慳身、幻<sup>152</sup>身、誑身、纏蓋之身。善男子，菩薩爾時亦無是業，但為眾生得解脫故，以大願力願生其中，是名菩薩摩訶薩非現、生、後受是惡業。

“善男子，我於賢劫受黃門身，無根、二根及不定根。善男子，菩薩摩訶薩實無如是諸惡身業，為令眾生得解脫故，以大願力願生其中，是名菩薩摩訶薩非現、生、後受是惡業。

“善男子，我於賢劫復習外道尼乾子法，信受其法，無施、無祠、無施祠報、無善惡業、無善惡報、無現在世及未來世、無此無彼、無有聖人、無變化身、無道涅槃。善男子，菩薩實無如是惡業，但為眾生令得解脫，以大願力受是邪法，是名菩薩摩訶薩非現、生、後受是惡業。

“善男子，我念往昔，與提婆達多俱為商主，

<sup>152</sup> 大正藏：幼

各各自有五百贾人，为利益故，至大海中采<sup>153</sup>取珍宝。恶业缘故，路遇暴风，吹坏<sup>154</sup>船舫，伴党死尽。尔时，我及<sup>155</sup>提婆达多不杀果报长寿缘故，为风所吹，俱至陆地。时，提婆达多贪惜宝货，生大忧苦，发声啼哭。我时语言：‘提婆达多，不须啼泣<sup>156</sup>。’提婆达多即语我言：‘谛听！谛听！譬如有人，贫穷困苦，至冢墓间，手捉死尸，而作是言：“愿汝今者施我死乐，我当施汝贫穷寿命。”尔时，死尸即便起坐，语贫人言：“善男子，贫穷寿命汝自受之，我今甚<sup>157</sup>乐如是死乐，实不欣汝贫穷而生。”然我今日，既无死乐，兼复贫穷，云何而得不啼哭耶？’我复慰喻：‘汝且莫愁，今有二珠，价直无量<sup>158</sup>，当分一枚，以相惠施。’我即分与，复语之言：‘有命之人，能得此宝。如其无命，谁能得耶？’我时疲弊，诣一树下，止息眠卧。提婆达多贪心炽盛，为余一珠即生恶心，刺坏我目，劫夺我珠。我时患疮，发声呻号，时有一女，来至我所，而问我言：‘仁者何故呻号如是？’我即为其广说本事。女人闻已，

<sup>153</sup> 大正藏：采

<sup>154</sup> 大正藏：破

<sup>155</sup> 大正藏：与

<sup>156</sup> 大正藏：哭

<sup>157</sup> 大正藏：甚；永乐北藏：甚；龙藏：其；校勘：甚

<sup>158</sup> 大正藏：数

复重问我：‘汝名字何？’我即答言：‘名为实语。’女言：‘云何知汝为实语耶？’我即立誓：‘若我今于提婆达多有恶心者，目当如是，永为盲瞎；如其无者，当还得眼。’言已，其目平复如故。

“善男子，是名菩萨摩訶萨说现世报。

“善男子，我念往昔，生南天竺富单那城婆罗门家。是时有王，名迦罗富，其性暴恶，憍慢自大，年壮色美，耽著五欲。我于尔时，为度众生，在彼城外，寂默禅思。尔时，彼王春末<sup>159</sup>华敷，与其眷属、宫人、采<sup>160</sup>女出城游<sup>161</sup>观，在树林下五欲自娱。其诸采<sup>162</sup>女，舍王游<sup>163</sup>戏，遂至我所。我时欲为断彼贪故，而为说法。时王寻来，即见我时，便生恶心，而问我言：‘汝今已得罗汉果耶？’我言：‘不得。’复言：‘获得不还果耶？’我言：‘不得。’复作是言：‘汝今若未得是二果，则为具足贪欲烦恼。云何自恣观我女人？’我即答言：‘大王当知，我今虽未断贪欲结，然其内心实无贪著。’王言：‘痴人！世有诸仙，服气食果，见色犹贪，况汝盛年，未断贪欲，

<sup>159</sup> 大正藏：木

<sup>160</sup> 大正藏：姝

<sup>161</sup> 大正藏：游

<sup>162</sup> 大正藏：姝

<sup>163</sup> 大正藏：游

云何见色而当不著？’我言：‘大王！见色不著实不因于服气食果，皆由系心无常不净。’王言：‘若有轻他而生诽谤，云何得名修治<sup>164</sup>净戒？’我言：‘大王！若有妬心，则有诽谤。我无妬心，云何言谤？’王言：‘大德！云何名戒？’‘大王！忍名为戒。’王言：‘若忍是戒者，当截汝耳，若能忍者，知汝持戒。’即截其耳。时我被截，面容<sup>165</sup>不变。

“时王群臣，见是事已，即谏王言：‘如是大士，不应加害。’王告诸臣：‘汝等云何知是大士？’诸臣答言：‘见受苦时，容色不变。’王复语言：‘我当更试，知变不变。’即劓其鼻，刖其手足。尔时，菩萨已于无量无边世中，修习慈悲，悯苦众生；时，四天王心怀瞋忿，雨沙砾石。王见是已，心大怖畏，复至我所，长跪而言：‘惟愿哀悯，听我忏悔。’我言：‘大王！我心无瞋，亦如无贪。’王言：‘大德！云何得知心无瞋恨？’我即立誓：‘我若真实无瞋恨者，令我此身平复如故。’发是愿已，身即平复。

“是名菩萨摩訶萨说现世报。

<sup>164</sup> 大正藏：持

<sup>165</sup> 大正藏：色

“善男子，善业生报、后报，及不善业，亦复如是。菩萨摩訶萨得阿耨多罗三藐三菩提时，一切诸业悉得现报。

“不善恶业得现报者，如王作恶，天降恶雨。亦如有人，示猎师罟处及宝色鹿，其手堕落，是名恶业现受果报。生报者，如一阐提、犯四重禁及五逆罪。后报者，如持戒人，深发誓愿：‘愿未来世，常得如是净戒之身。若有众生寿百年时、八十年时，于中当作转轮圣王，教化众生。’

“善男子，若业定得现世报者，则不能得生报、后报。菩萨摩訶萨修三十二大人相业，则不能得现世报也。若业不得三种报者，是名不定。

“善男子，若言诸业定得报者，则不得有修习梵行、解脱、涅槃。当知是人非我弟子，是魔眷属。若言诸业有定、不定，定者，现报、生报、后报；不定者，缘合则受，不合不受。以是义故，应有梵行、解脱、涅槃。当知是人真我弟子，非魔眷属。

“善男子，一切众生不定业多，决定业少。以是义故，有修习道。修习道故，决定重业可使轻受，不定之业非生报受。

“善男子，有二种人：一<sup>166</sup>、不定作定报，现报作生报，轻报作重报，应人中受在地狱受；二<sup>167</sup>、定作不定，应生受者回为现受，重报作轻，应地狱受人中轻受。如是二人，一、愚；二、智，智者为轻，愚者令重。

“善男子，譬如二人，于王有罪，眷属多者，其罪则轻；眷属少者，应轻更重。愚、智之人，亦复如是，智者善业多故，重则轻受；愚者善业少故，轻则重受。

“善男子，譬如二人，一人<sup>168</sup>肥壮；一人<sup>169</sup>羸瘦，俱没深泥，肥壮能出，羸者则没。

“善男子，譬如二人，俱共服毒，一有咒力及阿伽陀；一者无有。有咒药者，毒不能伤；无咒药者，服时即死。

“善男子，譬如二人，俱多饮浆，一火势盛，一则微弱。火势多者，则能消化；火势弱者，则为其患。

“善男子，譬如二人，为王所系，一有智慧，一则愚痴。其有智者，则能得脱；愚痴之人，无有脱期。

<sup>166</sup> 大正藏：一者；永乐北藏及龙藏：一

<sup>167</sup> 大正藏：二者；永乐北藏及龙藏：二

<sup>168</sup> 大正藏：则

<sup>169</sup> 大正藏：则

“善男子，譬如二人，俱涉险路，一则有目，一则盲瞽。有目之人，直过无患；盲者坠落，堕深坑险。

“善男子，譬如二人，俱共饮酒，一则多食<sup>170</sup>，一则少食<sup>171</sup>。其多食<sup>172</sup>者，饮则无苦<sup>173</sup>；其少食<sup>174</sup>者，饮则成患。

“善男子，譬如二人，俱敌怨阵，一则铠仗具足庄严，一则白<sup>175</sup>身。其有仗者，能破怨敌；其白<sup>176</sup>身者，不能自免<sup>177</sup>。

“复有二人，粪秽污衣，一觉寻澣<sup>178</sup>，一觉不澣<sup>179</sup>。其寻澣<sup>180</sup>者，衣则净洁；其不澣<sup>181</sup>者，垢秽日增。

“复有二人，俱共乘车，一有副<sup>182</sup>轴，一无副<sup>183</sup>轴。有副<sup>184</sup>轴者，随意而去；无副<sup>185</sup>轴者，则不移处。

<sup>170</sup> 大正藏：饮

<sup>171</sup> 大正藏：饮

<sup>172</sup> 大正藏：饮

<sup>173</sup> 大正藏：患

<sup>174</sup> 大正藏：饮

<sup>175</sup> 大正藏：自

<sup>176</sup> 大正藏：自

<sup>177</sup> 大正藏：勉

<sup>178</sup> 大正藏：浣

<sup>179</sup> 大正藏：浣

<sup>180</sup> 大正藏：浣

<sup>181</sup> 大正藏：浣

<sup>182</sup> 大正藏：辐

<sup>183</sup> 大正藏：辐

<sup>184</sup> 大正藏：辐

<sup>185</sup> 大正藏：辐

“复有二人，俱行旷路，一有资粮，一无资粮<sup>186</sup>。有资粮者，则得度险；其空往者，则不能过。

“复有二人，为贼所劫，一有宝藏，一则无藏。有宝藏者，心无忧戚<sup>187</sup>；其无藏者，心则愁恼。愚、智之人，亦复如是，有善藏者，重业轻受；无善藏者，轻业重受。”

师子吼菩萨言：“世尊！如佛所说，非一切业悉得定果，亦非一切众生定受。世尊！云何众生令现轻报地狱重受、地狱重报现世轻受？”

佛言：“一切众生凡有二种：一<sup>188</sup>、有智；二<sup>189</sup>、愚痴。若能修习身、戒、心、慧，是名智者；若不能修身、戒、心、慧，是名愚痴。

“云何名为不修<sup>190</sup>身？若不能摄五情诸根，名不修身；不能受持七种净戒，名不修戒；不调心故，名不修心；不修圣行，名不修慧。

“复次，不修身者，不能具足清净戒体；不修戒者，受畜八种不净之物；不修心者，不能修习三种相故；不修慧者，不修梵行故。

<sup>186</sup> 大正藏：则空往，；永乐北藏及龙藏：无资粮

<sup>187</sup> 大正藏：戚

<sup>188</sup> 大正藏：一者；永乐北藏及龙藏：一

<sup>189</sup> 大正藏：二者；永乐北藏及龙藏：二

<sup>190</sup> 大正藏：修习；永乐北藏及龙藏：修



“复次，不修身者，不能观身，不能观色及观色相，不观身相，不知身数，不知是身从此到彼，于非身中而生身相，于非色中而作色相，是故贪著我身、身数，名不修身。不修戒者，若受下戒，不名修戒。受持边戒，为自利戒，为自调戒，不能普为安乐众生，非为护持无上正法，为生天上受五欲乐，不名修戒。不修心者，若心散乱，不能专一守自境界，自境界者，谓四念处；他境界者，谓五欲也<sup>191</sup>。若不能修四念处者，名不修心。于恶业中不善护心，名不修慧。

“复次，不修身者，不能深观是身无常、无住、危脆、念念灭坏、是魔境界；不修戒者，不能具足尸波罗蜜；不修心者，不能具足禅波罗蜜；不修慧者，不能具足般若波罗蜜。

“复次，不修身者，贪著我身及我所身，我身常恒，无有变易；不修戒者，为自身故作十恶业；不修心者，于恶业中不能摄心；不修慧者，以不摄心，不能分别善、恶等法。

“复次，不修身者，不断我见；不修戒者，不断戒取；不修心者，作贪瞋业，趣向地狱；不修慧者，不断痴心。

<sup>191</sup> 大正藏：所谓五欲；永乐北藏及龙藏：谓五欲也

“复次，不修身者，不能观身，虽无过咎，而常是怨。善男子，譬如男子，有怨常逐，伺求其便。智者觉已，系心慎护，若不慎护，则为所害。一切众生，身亦如是，常以饮食冷暖<sup>192</sup>将养，若不如是将护守慎，即当散坏。

“善男子，如婆罗门奉事火天，常以香华、赞叹、礼拜、供养，承事期满百年，若一触时，寻烧人手。是火虽得如是供养，终无一念报事者恩。一切众生，身亦如是，虽于多年以好香华、璎珞、衣服、饮食、卧具、病瘦医药而供给之，若遇内外诸恶因缘，即时灭坏，都不忆念往日供养<sup>193</sup>衣食之恩。

“善男子，譬如有王，畜四毒蛇，置之一筐，以付一人，仰令瞻养。‘是四蛇中，设一生瞋，则能害人。’是人恐怖，常求饮食，随时守护。一切众生四大毒蛇，亦复如是，若一大瞋，则能坏身。

“善男子，如人久病，应当至心求医疗治。若不勤救，必死不疑。一切众生，身亦如是，常应摄心，不令放逸，若放逸者，则<sup>194</sup>便灭坏。

<sup>192</sup> 大正藏：暖

<sup>193</sup> 大正藏：给

<sup>194</sup> 大正藏：即

“善男子，譬如坏瓶，不耐风雨、打掷、堆<sup>195</sup>压。一切众生，身亦如是，不耐饥、渴、寒、热、风、雨、打击<sup>196</sup>、恶骂。

“善男子，如痲未熟，常当善护，不令人触，设有触者，则<sup>197</sup>大苦痛；一切众生，身亦如是。

“善男子，如骡怀妊，自害其躯；一切众生，身亦如是，内有风冷，身则<sup>198</sup>受害<sup>199</sup>。

“善男子，譬如芭蕉，生实则枯；一切众生，身亦如是。

“善男子，亦如芭蕉，内无坚实；一切众生，身亦如是。

“善男子，如蛇、鼠、狼，各各相于常生怨心；众生四大，亦复如是。

“善男子，譬如鹅王，不乐冢墓；菩萨亦尔，于身冢墓，亦不贪乐。

“善男子，如旃陀罗，七世相继不舍其业，是故为人之所轻贱。是身种子亦复如是，种子精血究竟不净，以不净故，诸佛菩萨之所诃责<sup>200</sup>。

“善男子，是身不如摩罗耶山生于栴檀，亦

<sup>195</sup> 大正藏：搥

<sup>196</sup> 大正藏：系

<sup>197</sup> 大正藏：即

<sup>198</sup> 大正藏：即

<sup>199</sup> 大正藏：苦

<sup>200</sup> 大正藏：轻呵；永乐北藏及龙藏：诃责

不能生优钵罗华、芬陀利华、瞻婆华、摩利迦华、婆师迦华，九孔常漏<sup>201</sup>脓血不净，生处臭秽，丑陋可恶，常与诸虫共在一处。善男子，譬如世间虽有上妙清净园林，死尸至中，则为不净，众共舍之，不生爱著；色界亦尔，虽复净妙，以有身故，诸佛菩萨悉共舍之。善男子，若有不能作如是观，不名<sup>202</sup>修身。

“不修戒者，善男子，若不能观戒是一切善法梯陞<sup>203</sup>，亦是一切善法根本，如地悉是一切树木所生之本；是诸善根之最导首<sup>204</sup>，如彼商主导诸<sup>205</sup>商人；戒是一切善法胜幢，如天帝释所立胜幢。戒能永断一切恶业及三恶道，能疗恶病犹如药树。戒是生死险道资粮，戒是摧结恶<sup>206</sup>贼铠仗，戒是灭结毒蛇良咒，戒是度恶业行桥梁。若有不能如是观者，名不修戒。

“不修心者，不能观心轻躁动转，难捉难调，驰骋奔逸如大恶象，念念迅速如彼电光，躁扰不住犹如猕猴，如幻如焰<sup>207</sup>，乃是一切诸恶根本，

<sup>201</sup> 大正藏：流

<sup>202</sup> 大正藏：名不；永乐北藏及龙藏：不名

<sup>203</sup> 大正藏：橙

<sup>204</sup> 大正藏：导首也；永乐北藏及龙藏：最导首

<sup>205</sup> 大正藏：众

<sup>206</sup> 大正藏：破

<sup>207</sup> 大正藏：炎

五欲难满如火获薪，亦如大海吞受众<sup>208</sup>流，如漫<sup>209</sup>陀山草木滋多。不能观察生死虚妄，耽惑致患，如鱼吞钩，常先引导诸业随从，犹如贝母引导诸子。贪著五欲，不乐涅槃，如驼食蜜，乃至于死，不顾刍草。深著现乐，不观后过，如牛贪苗，不惧杖楚。驰骋周遍二十五有，犹如疾风吹兜罗茸<sup>210</sup>。所不应求，求无厌足，如无智<sup>211</sup>人求无热火。常乐生死，不乐解脱，如经婆虫乐经婆树。迷惑爱著生死臭秽，犹如狱囚乐狱卒女，亦如厕猪乐处不净。若有不能如是观者，名不修心。

“不修慧者，不观智慧有大势力，如金翅鸟；能坏恶业，坏无明暗，犹如日光；能拔阴树，如水漂物；焚烧邪见，犹如猛火。慧是一切善法根本，佛菩萨母之种子也。若有不能如是观者，不名修慧。

“善男子，第一义中，若见身、身相、身因、身果、身聚、身一、身二、此身、彼身、身灭、身等、身修、修者，若有如是见者，名不修身。

“善男子，若见戒、戒相、戒因、戒果、戒

<sup>208</sup> 大正藏：诸

<sup>209</sup> 大正藏：曼

<sup>210</sup> 大正藏：蕞

<sup>211</sup> 大正藏：知

上<sup>212</sup>、戒下<sup>213</sup>、戒聚、戒一、戒二、此戒、彼戒、戒灭、戒等、戒修、修者、戒波罗蜜，若有如是见者，名不修戒。

“若见心、心相、心因、心果、心聚、心及心数、心一、心二、此心、彼心、心灭、心等、心修、修者、上中下心、善心、恶心，若有如是见者，名不修心。

“善男子，若见慧、慧相、慧因、慧果、慧聚、慧一、慧二、此慧、彼慧、慧灭、慧等、上中下慧、钝慧、利慧、慧修、修者，若有如是见者，名不修慧。

“善男子，若有不修身、戒、心、慧，如是之人，于小恶业得大恶报。以恐怖故，常生是念：‘我属地狱，作地狱行。’虽闻智者说地狱苦，常作是念：‘如铁打铁，石还打石，木自打木，火虫乐火，地狱之身还似地狱。若似地狱，有何苦事？’譬如苍蝇为唾所黏<sup>214</sup>，不能自<sup>215</sup>出。是人亦尔，于小罪中不能自出，心初无悔，不能修善，覆藏瑕疵，虽有过去一切善业，悉为是罪之所垢污，是人所有现受轻报，转为地狱极重恶果。

<sup>212</sup> 大正藏：上戒；永乐北藏及龙藏：戒上

<sup>213</sup> 大正藏：下戒；永乐北藏及龙藏：戒下

<sup>214</sup> 大正藏：粘

<sup>215</sup> 大正藏：得

“善男子，如小器水置盐一升，其味咸苦，难可得饮；是人罪业，亦复如是。善男子，譬如有人，负他一钱，不能偿故，身被系缚，多受众苦；是人罪业，亦复如是。”

师子吼菩萨言：“世尊！是人何故令现轻报转地狱受？”

佛言：“善男子，一切众生，若具五事，令现轻报转地狱受。何等为五？一<sup>216</sup>、愚痴故；二<sup>217</sup>、善根微少故；三<sup>218</sup>、恶业深重故；四<sup>219</sup>、不忏悔故；五<sup>220</sup>、不修本善业故。复有五事：一<sup>221</sup>、修习恶业故；二<sup>222</sup>、无戒财故；三<sup>223</sup>、远离善根<sup>224</sup>故；四<sup>225</sup>、不修身、戒、心、慧故；五<sup>226</sup>、亲近恶知识故。善男子，是故能令现世轻报地狱重受。”

师子吼言：“世尊！何等人能转地狱报现世轻受？”

“善男子，若有修习身、戒、心、慧，如上

<sup>216</sup> 大正藏：一者；永乐北藏及龙藏：一

<sup>217</sup> 大正藏：二者；永乐北藏及龙藏：二

<sup>218</sup> 大正藏：三者；永乐北藏及龙藏：三

<sup>219</sup> 大正藏：四者；永乐北藏及龙藏：四

<sup>220</sup> 大正藏：五者；永乐北藏及龙藏：五

<sup>221</sup> 大正藏：一者；永乐北藏及龙藏：一

<sup>222</sup> 大正藏：二者；永乐北藏及龙藏：二

<sup>223</sup> 大正藏：三者；永乐北藏及龙藏：三

<sup>224</sup> 大正藏：诸善根；永乐北藏及龙藏：善根

<sup>225</sup> 大正藏：四者；永乐北藏及龙藏：四

<sup>226</sup> 大正藏：五者；永乐北藏及龙藏：五

<sup>227</sup> 所说，能观诸法同如虚空，不见智慧，不见智者，不见愚痴，不见愚者，不见修习及修习者，是名智者。如是之人则能修习身、戒、心、慧，是人能令地狱果报现世轻受。是人设作极重恶业，思惟观察，能令轻微，作是念言：‘我业虽重，不如善业。’譬如迭华，虽复百斤，终不能敌真金一两。如恒河中投一升盐，水无咸味，饮者不觉。如巨富者虽多负人，千万宝物无能系缚，令其受苦。如大香象，能坏铁锁，自在而去。智慧之人，亦复如是，常思惟言：‘我善力多，恶业羸弱。我能发露、忏悔、除恶，能修智慧。智慧力多，无明力少。’如是念已，亲近善友，修习正见，受持、读诵、书写、解说十二部经。见有受持、读诵、书写、解说之者，心生恭敬，兼以衣、食、房舍、卧具、病药、华香而供养之，赞叹尊重。所至到处，称说其善，不说其短。供养三宝，敬信方等大涅槃经，如来常恒，无有变易，一切众生悉有佛性。是人能令地狱重报现世轻受。

“善男子，以是义故，非一切业悉有定果，亦非一切众生定受。”

大般涅槃经卷第二十九

<sup>227</sup> 大正藏：先



# 大般涅槃经卷第三十

北凉天竺三藏昙无讖译 梵

宋沙门慧严慧观同谢灵运再治

## 师子吼菩萨品第二十三之六<sup>228</sup>

师子吼菩萨言：“世尊！若一切业不定得果、一切众生悉有佛性、应当修习八圣道者，何因缘故一切众生悉不得是大般涅槃？世尊！若一切众生有佛性者，即当定得阿耨多罗三藐三菩提，何须修习八圣道耶？”

“世尊！如此经中说，有病人若得医药及瞻病人、随病饮食，若使不得，皆悉除差。一切众生亦复如是，若遇声闻及辟支佛、诸佛菩萨、诸善知识，若闻说法，修习圣道，若不遇、不闻、不修习道，悉当得成阿耨多罗三藐三菩提。何以故？以佛性故。世尊！譬如日月，无有能遮，令不得至须弥山边；四大河水不至大海；一阐提等不至地狱；一切众生亦复如是，无有能遮，令不得至阿耨多罗三藐三菩提。何以故？以佛性故。”

<sup>228</sup> 大正藏：师子吼菩萨品之六

世尊！以是义故，一切众生不修习<sup>229</sup>道，以佛性力故，应得阿耨多罗三藐三菩提，不以修习圣道力故。

“世尊！若一阐提、犯四重禁、五逆罪等，不得阿耨多罗三藐三菩提者，应须修习，以因佛性定当得故，非因修习然后得也。世尊！譬如磁石，去铁虽远，以其力故，铁则随著；众生佛性亦复如是。是故，不须勤修习道。”

佛言：“善哉！善哉！善男子，如恒河边有七种人，若为洗浴、恐怖<sup>230</sup>寇贼，或为采<sup>231</sup>华，则入河中。第一人者，入水则没。何以故？羸无势力，不习浮故。第二人者，虽没还出，出已复没。何以故？身力大故，则能还出；不习浮故，出已还没。第三人者，没已即出，出更不没。何以故？身重故没，力大故出，先习浮故，出已即住。第四人者，入已便没，没已还出，出已即住遍观四方。何以故？重故则没，力大故还出，习浮则住，不知出处，故观四方。第五人者，入已即没，没已还出，出已即住，住已观方，观已即去。何以故？为怖畏故。第六人者，入已即去，

<sup>229</sup> 大正藏：须修；永乐北藏及龙藏：修习

<sup>230</sup> 大正藏：畏

<sup>231</sup> 大正藏：采

浅处即<sup>232</sup>住。何以故？观贼近远故。第七人者，既至彼岸，登上大山，无复恐怖，离诸怨贼，受大快乐。

“善男子，生死大河亦复如是，有七种人。畏烦恼贼故，发意欲度<sup>233</sup>生死大河，出家剃发，身披<sup>234</sup>法服。既出家已，亲近恶友，随顺其教，听受邪法，所谓众生身者即是五阴，五阴者即名五大，众生若死，永断五大，断五大故，何须修习善恶诸业？是故当知无有善恶及善恶报，如是则名一阐提也。一阐提者，名断善根；断善根故，没生死河不能得出。何以故？恶业重故，无信力故，如恒河边第一人也。

“善男子，一阐提辈有六因缘没三恶道，不能得出。何等为六？一<sup>235</sup>、恶心炽盛故；二<sup>236</sup>、不见后世故；三<sup>237</sup>、乐习烦恼故；四<sup>238</sup>、远离善根故；五<sup>239</sup>、恶业障隔故；六<sup>240</sup>、亲近恶知识故。

“复有五事没三恶道。何等为五？一<sup>241</sup>、于

<sup>232</sup> 大正藏：则

<sup>233</sup> 大正藏：渡（后同）

<sup>234</sup> 大正藏：被

<sup>235</sup> 大正藏：一者；永乐北藏及龙藏：一

<sup>236</sup> 大正藏：二者；永乐北藏及龙藏：二

<sup>237</sup> 大正藏：三者；永乐北藏及龙藏：三

<sup>238</sup> 大正藏：四者；永乐北藏及龙藏：四

<sup>239</sup> 大正藏：五者；永乐北藏及龙藏：五

<sup>240</sup> 大正藏：六者；永乐北藏及龙藏：六

<sup>241</sup> 大正藏：一者；永乐北藏及龙藏：一

比丘边作非法故；二<sup>242</sup>、比丘尼边作非法故；三<sup>243</sup>、自在用僧鬘<sup>244</sup>物故；四<sup>245</sup>、母边作非法故；五<sup>246</sup>、于五部僧互生是非故。

“复有五事没三恶道。何等为五？一<sup>247</sup>、常说无善恶果故；二<sup>248</sup>、杀发菩提心众生故；三<sup>249</sup>、熹说法师过失故；四<sup>250</sup>、法说非法，非法说法故；五<sup>251</sup>、为求法过而听受故。

“复有三事没三恶道。何等为三？一、谓如来无常永灭；二、谓正法无常迁变；三、谓僧宝可破<sup>252</sup>坏故。是故常没三恶道中。

“第二人者，发意欲度生死大河，断善根故，没不能出。所言出者，亲近善友则得信心。信心者，信施、施果，信善、善果，信恶、恶果，信生死苦、无常、坏败<sup>253</sup>，是名为信。已<sup>254</sup>得信心，修习净戒，受持读诵，书写解说，常行惠施，善修智慧。以钝根故，复遇恶友，不能修习身、戒、

<sup>242</sup> 大正藏：二者；永乐北藏及龙藏：二

<sup>243</sup> 大正藏：三者；永乐北藏及龙藏：三

<sup>244</sup> 大正藏：祇

<sup>245</sup> 大正藏：四者；永乐北藏及龙藏：四

<sup>246</sup> 大正藏：五者；永乐北藏及龙藏：五

<sup>247</sup> 大正藏：一者；永乐北藏及龙藏：一

<sup>248</sup> 大正藏：二者；永乐北藏及龙藏：二

<sup>249</sup> 大正藏：三者；永乐北藏及龙藏：三

<sup>250</sup> 大正藏：四者；永乐北藏及龙藏：四

<sup>251</sup> 大正藏：五者；永乐北藏及龙藏：五

<sup>252</sup> 大正藏：灭

<sup>253</sup> 大正藏：败坏；永乐北藏及龙藏：坏败

<sup>254</sup> 大正藏：以

心、慧，听受邪法。或值恶时，处恶国土，断诸善根；断善根故，常没生死，如恒河边第二人也。

“第三人者，发意欲度生死大河，断善根故，于中沈没。亲近善友，得名为出。信于如来是一切智，常恒无变，为众生故，说无上道；一切众生悉有佛性；如来非灭，法、僧亦尔，无有灭坏；一阐提等不断其法，终不<sup>255</sup>得阿耨多罗三藐三菩提，要当远离，然后乃得。以信心故，修习净戒；修净戒已，受持、读诵、书写、解说十二部经，为诸众生广宣流布。乐于惠施，修习智慧，以利根故，坚住信慧，心无退转，如恒河边第三人也。

“第四人者，发意欲度生死大河，断善根故，于中沈没。亲近善友，故得信心，是名为出。得信心故，受持、读诵、书写、解说十二部经。为众生故，广宣流布，乐于惠施，修习智慧。以利根故，坚住信慧，心无退转，遍观四方。四方者，四沙门果，如恒河边第四人也。

“第五人者，发意欲度生死大河，断善根故，于中沈没。亲近善友，故得信心，是名为出。以信心故，受持、读诵、书写、解说十二部经。为众生故，广宣流布，乐于惠施，修习智慧。以利

<sup>255</sup> 大正藏：不能；永乐北藏及龙藏：不

根故，坚住信慧，心无退转。无退转已，即便前进。前进者，谓辟支佛，虽能自度，不及众生，是名为出<sup>256</sup>，如恒河边第五人也。

“第六人者，发意欲度生死大河，断善根故，于中沈没。亲近善友，获得信心，得信心故，名之为出。以信心故，受持、读诵、书写、解说十二部经。为众生故，广宣流布，乐于惠施，修习智慧。以利根故，坚住信慧，心无退转。无退转已，即复前进，遂到浅处。到浅处已，即住不去。住不去者，所谓菩萨，欲为<sup>257</sup>度脱诸众生故，住观烦恼，如恒河边第六人也。

“第七人者，发意欲度生死大河，断善根故，于中沈没。亲近善友，获得信心，得信心已，是名为出。以信心故，受持、读诵、书写、解说十二部经。为众生故，广宣流布，乐于惠施，修习智慧。以利根故，坚住信慧，心无退转。无退转已，即便前进。既前进已，得到彼岸，登大高山，离诸恐怖，多受安乐。善男子，彼岸山者，喻于如来；受安乐者，喻佛常住；大高山者，喻大涅槃。

<sup>256</sup> 大正藏：去

<sup>257</sup> 大正藏：为欲；永乐北藏及龙藏：欲为

“善男子，是恒河边如是诸人，悉具手足而不能度；一切众生亦复如是，实有佛宝、法宝、僧宝，如来常说诸法要义有八圣道、大般涅槃，而诸众生悉不能得。此非我咎，亦非圣道众生等过，当知悉是烦恼过恶。以是义故，一切众生不得涅槃。

“善男子，譬如良医，知病说药，病者不服，非医咎也。善男子，若<sup>258</sup>有施主以其所有施一切人，有不受者，非施主咎。善男子，譬如日出，幽冥皆明，盲瞽之人不见道路，非日过也。善男子，如恒河水能除渴乏，渴者不饮，非水咎也。善男子，譬如大地，普生果实，平等无二，农夫不种，非地过也。善男子，如来普为一切众生广开分别十二部经，众生不受，非如来咎。

“善男子，若修道者，即得阿耨多罗三藐三菩提。善男子，汝言‘众生悉有佛性，得<sup>259</sup>阿耨多罗三藐三菩提，如磁石。’者，善哉！善哉！以有佛性因缘力故，得阿耨多罗三藐三菩提。若言不须修圣道者，是义不然。

“善男子，譬如有人，行于旷野，渴乏遇井，

<sup>258</sup> 大正藏：如

<sup>259</sup> 大正藏：应得；永乐北藏及龙藏：得

其井极深，虽不见水，当知必有。是人方便求觅罐缷，汲取则见。佛性亦尔，一切众生虽复有之，要须修习无漏圣道，然后得见。善男子，如有胡麻则得见油，离诸方便则不得见，甘蔗亦尔。

“善男子，如三十三天、北郁单越，虽是有法，若无善业、神通、道力则不能见。地中草根及地下水，以地覆故，众生不见。佛性亦尔，不修圣道，故不得见。

“善男子，如汝所说‘世有病人，若遇瞻病、良医、好药、随病饮食及以不遇悉得差’者，善男子，我为六住诸菩萨等说如是义。善男子，譬如虚空，于诸众生非内非外，非内外故，亦无罣阂<sup>260</sup>；众生佛性亦复如是。

“善男子，譬如有人，财在异方，虽不现前，随意受用，有人问之，则言我许。何以故？以定有故。众生佛性亦复如是，非此非彼，以定得故，言一切有。

“善男子，譬如众生，造作诸业，若善若恶，非内非外，如是业性非有非无，亦复非是本无今有，非无因出，非此作此受、此作彼受、彼作彼受、无作无受，时节和合而得果报。众生佛性亦

<sup>260</sup> 大正藏：碍



复如是，亦复非是本无今有，非内非外，非有非无，非此非彼，非余处来，非无因缘，亦非一切众生不见，有诸菩萨时节因缘和合得见，时节者，所谓十住菩萨摩訶萨修八圣道，于诸众生得平等心，尔时得见，不名为作。

“善男子，汝言如磁石者，是义不然。何以故？石不吸铁。所以者何？无心业故。善男子，异法有故异法出生，异法无故异法灭坏，无有作者，无有坏者。善男子，犹如猛火不能焚薪，火出薪坏名为焚薪。善男子，譬如葵藿随日而转，而是葵藿亦无敬心，无识无业，异法性故而自回转。善男子，如芭蕉树因雷增长，是树无耳、无心意识。异法有故异法增长，异法无故异法灭坏。善男子，如阿叔迦树，女人摩触，华为之出。是树无心，亦无觉触，异法有故异法出生，异法无故，异法灭坏。善男子，如橘得尸，果则滋多，而是橘树无心无触，异法有故异法滋多，异法无故异法灭坏。善男子，如安石榴，砖骨粪故，果实繁茂，安<sup>261</sup>石榴树亦无心触，异法有故异法出生，异法无故异法灭坏。善男子，磁石吸铁亦复如是，异法有故异法出生，异法无故异法灭坏。

<sup>261</sup> 大正藏：安；永乐北藏及龙藏：如；校勘：安

众生佛性亦复如是，不能吸得阿耨多罗三藐三菩提。

“善男子，无明不能吸取诸行，行亦不能吸取识也，亦得名为无明缘行、行缘于识，有佛无佛，法界常住。

“善男子，若言佛性住众生中者，善男子，常法无住，若有住处即是无常。善男子，如十二因缘无定住处，若有住处，十二因缘不得名常。如来法身亦无住处，法界、法入、法阴、虚空悉无住处，佛性亦尔，都无住处。

“善男子，譬如四大，力虽均等，有坚、有热、有湿、有动，有轻、有重<sup>262</sup>、有赤、有白、有黄、有黑，而是四大亦无有业，异法界故，各不相似。佛性亦尔，异法界故，时至则现。

“善男子，一切众生不退佛性故名之为有，阿毗跋致故，以当有故，决定得故，定当见故，是故名为一切众生悉有佛性。

“善男子，譬如有王告一大臣：‘汝牵一象以示盲者。’尔时，大臣受王勅已，多集众盲以象示之。时彼众盲，各以手触。大臣即还，而白

<sup>262</sup> 大正藏：有重、有轻；永乐北藏及龙藏：有轻、有重

王言：‘臣已示竟。’尔时，大王即呼<sup>263</sup>众盲，各各问言：‘汝见象耶？’众盲各言：‘我已得见。’王言：‘象为何类？’其触牙者，即言象形如菜茯根；其触耳者，言象如箕；其触头者，言象如石；其触鼻者，言象如杵；其触脚者，言象如木臼；其触脊者，言象如床；其触腹者，言象如瓮；其触尾者，言象如绳。

“善男子，如彼众盲，不说象体，亦非不说。若是众相悉非象者，离是之外更无别象。善男子，王喻如来、应、正遍知，臣喻方等大涅槃经，象喻佛性，盲喻一切无明众生。是诸众生闻佛说已，或作是言：‘色是佛性。何以故？是色虽灭，次第相续，是故获得无上如来三十二相。如来色常，如来色者常不断故，是故说色名为佛性。譬如真金，质虽迁变，色常不异。或时作钏、作钗<sup>264</sup>、作盘，然其黄色初无改易。众生佛性亦复如是，质虽无常而色是常，以是故说色为佛性。’

“或有说言：‘受是佛性。何以故？受因缘故，获得如来真实之乐。如来受者，谓毕竟受、第一义受。众生受性虽复无常，然其次第相续不

<sup>263</sup> 大正藏：唤

<sup>264</sup> 大正藏：蛇

断，是故获得如来常受。譬如有人，姓憍尸迦，人虽无常，而姓是常，经千万世，无有改易。众生佛性亦复如是，以是故说受为佛性。’

“又有说言：‘想是佛性。何以故？想因缘故，获得如来真实之想。如来想者，名无想想。无想想者，非众生想，非男女想，亦非色受想、行识想，非想断想。众生之想虽复无常，以想次第相续不断故，得如来常恒之想。善男子，譬如众生十二因缘，众生虽灭而因缘常。众生佛性亦复如是，以是故说想为佛性。’

“又有说言：‘行为佛性。何以故？行名寿命，寿因缘故，获得如来常住寿命。众生寿命虽复无常，而寿次第相续不断，故得如来真实常寿。善男子，譬如十二部经，听者说者虽复无常，而是经典常存不变。众生佛性亦复如是，以是故说行为佛性。’

“又有说言：‘识为佛性。识因缘故，获得如来平等之心。众生意识虽复无常，而识次第相续不断故，得如来真实常心。如火热性，火虽无常，热非无常。众生佛性亦复如是，以是故说识为佛性。’

“又有说言：‘离阴有我，我是佛性。何以

故？我因緣故，獲得如來八自在我。’有諸外道說言：‘去、來、見、聞、悲、喜、語、說為我。’如是我相雖復無常，而如來我真實是常。善男子，如陰、入、界雖復無常而名是常，眾生佛性亦復如是。

“善男子，如彼盲人各各說象，雖不得實，非不說象。說佛性者亦復如是，非即六法，不離六法。善男子，是故，我說眾生佛性非色不離色，乃至非我不離我。

“善男子，有諸外道，雖說有我而實無我。眾生我者，即是五陰，離陰之外，更無別我。善男子，譬如莖、葉、須<sup>265</sup>、台合為蓮華，離是之外，更無別華；眾生我者亦復如是。善男子，譬如牆壁草木和合名之為舍，離是之外，更無別舍；如佉陀羅樹、波羅奢樹、尼拘陀樹、郁曇鉢樹和合為林，離是之外，更無別林；譬如車兵、象馬、步兵和合為軍，離是之外，更無別軍；譬如五色雜縵和合名之為綺，離是之外，更無別綺；如四姓和合名為大眾，離是之外，更無別眾；眾生我者亦復如是，離五陰外，更無別我。善男子，如

<sup>265</sup> 大正藏：須

来常住则名为我，如来法身无边无阂<sup>266</sup>，不生不灭，得八自在，是名为我。众生真实无如是我及以我所，但以毕<sup>267</sup>定当得毕竟第一义空故，名佛性。

“善男子，大慈大悲名为佛性。何以故？大慈大悲常随菩萨，如影随形。一切众生毕定当得大慈大悲，是故说言一切众生悉有佛性。大慈大悲者名为佛性，佛性者名为如来。

“大喜大舍名为佛性。何以故？菩萨摩訶萨若不能舍二十五有，则不能得阿耨多罗三藐三菩提。以诸众生必当得故，是故说言一切众生悉有佛性。大喜大舍者即是佛性，佛性者即是如来。

“佛性者名大信心。何以故？以信心故，菩萨摩訶萨则能具足檀波罗蜜乃至般若波罗蜜。一切众生毕定当得大信心故，是故说言一切众生悉有佛性。大信心者即是佛性，佛性者即是如来。

“佛性者名一子地。何以故？以一子地因缘故，菩萨则于一切众生得平等心。一切众生毕定当得一子地故，是故说言一切众生悉有佛性。一子地者即是佛性，佛性者即是如来。

<sup>266</sup> 大正藏：碍（后同）

<sup>267</sup> 大正藏：必（后同）

“佛性者名第四力。何以故？以第四力因缘故，菩萨则能教化众生。一切众生毕定当得第四力故，是故说言一切众生悉有佛性。第四力者即是佛性，佛性者即是如来。

“佛性者名十二因缘。何以故？以因缘故，如来常住。一切众生定有如是十二因缘，是<sup>268</sup>故说言一切众生悉有佛性。十二因缘即是佛性，佛性者即是如来。

“佛性者名四无阂智。以四无阂因缘故，说字义无阂；字义无阂故，能化众生。四无阂者即是佛性，佛性者即是如来。

“佛性者名顶三昧。以修如是顶三昧故，则能总摄一切佛法，是故说言顶三昧者名为佛性。十住菩萨修是三昧未得具足，虽见佛性而不明了。一切众生毕定得故，是故说言一切众生悉有佛性。

“善男子，如上所说种种诸法，一切众生定当得故，是故说言一切众生悉有佛性。

“善男子，我若说色是佛性者，众生闻已则生邪倒；以邪倒故，命终则生阿鼻地狱。如来说法为断地狱，是故不说色是佛性，乃至说识亦复如是。

<sup>268</sup> 大正藏：是；永乐北藏及龙藏：见；校勘：是

“善男子，若诸众生了佛性者，则不须修道。十住菩萨修八圣道少见佛性，况不修者而得见耶？善男子，如文殊师利诸菩萨等，已无量世修习圣道，了知佛性。云何声闻、辟支佛等能知佛性？若诸众生欲得了了知佛性者，应当一心受持读诵、书写解说、供养恭敬、尊重赞叹是涅槃经，见有受持乃至赞叹如是经者，应当以好房舍、衣服、饮食、卧具、病瘦医药而供给之，兼复赞叹、礼拜、问讯。善男子，若有已于过去无量无边世中，亲近供养无量诸佛，深种善根，然后乃得闻是经名。

“善男子，佛性不可思议；佛、法、僧宝亦不可思议；一切众生悉有佛性而不能知，是亦不可思议；如来常、乐、我、净之法亦不可思议；一切众生能信如是大涅槃经亦不可思议。”

师子吼菩萨言：“世尊！如佛所说一切众生能信如是大涅槃经不可思议者，世尊！是大众中，有八万五千万人，于是经中不生信心，是故有能信是经者，名不可思议。”

“善男子，如是诸人，于未来世，亦当定得信是经典，见于佛性，得阿耨多罗三藐三菩提。”

师子吼言：“世尊！云何不退菩萨自知决定



有不退心？”

佛言：“善男子，菩萨摩訶萨常<sup>269</sup>以苦行自试其心，日食一胡麻，经一七日；粳米、绿<sup>270</sup>豆、麻子、粟床及以白豆亦复如是，各一七日。食一麻时，作是思惟：‘如是苦行都无利益，无利益事尚能为之，况有利益而当不作？于无利益心能堪忍，不退不转，是故定得阿耨多罗三藐三菩提。’如是等日修苦行时，一切皮肉消瘦皱减，如断生瓠置之日中，其目却陷如井底星，肉尽肋出如朽草屋，脊骨连现如重綫<sup>271</sup>，所坐之处如马蹄迹，欲坐则伏，欲起则偃。虽受如是无利益苦，然不退于菩提之心。

“复次，善男子，菩萨摩訶萨为破众苦施安乐故，乃至能舍内外财物及其身命如弃刍草。若能不惜是身命者，如是菩萨自知必定有不退心：‘我定当得阿耨多罗三藐三菩提。’

“复次，菩萨为法因缘，剝身为灯，鬻缠皮肉，酥<sup>272</sup>油灌之，烧以为炷。菩萨尔时受是大苦，自呵其心而作是言：‘如是苦者，于地狱苦百千万分犹未及一。汝于无量百千劫中，受大苦恼都

<sup>269</sup> 大正藏：当

<sup>270</sup> 大正藏：菴

<sup>271</sup> 大正藏：线砖；永乐北藏及龙藏：綫转

<sup>272</sup> 大正藏：苏

无利益。汝若不能受是轻苦，云何而能于地狱中救苦众生？’ 菩萨摩訶萨作是观时，身不觉苦，其心不退、不动、不转。菩萨尔时应深自知：‘我定当得阿耨多罗三藐三菩提。’

“善男子，菩萨尔时具足烦恼未有断者，为法因缘，能以头目、髓脑、手足、血肉施于众生<sup>273</sup>，以钉钉身，投岩赴火。菩萨尔时，虽受如是无量众苦，若心不退、不动、不转，菩萨当知：‘我今定有不退之心，当得阿耨多罗三藐三菩提。’

“善男子，菩萨摩訶萨为破一切众生苦恼，愿作粗大畜生之身，以身血肉施于众生。众生取时，复生怜悯。菩萨尔时，闭气不喘，示作死相，令彼取者，不生杀害疑网之想。菩萨虽受畜生之身，终不造作畜生之业。何以故？善男子，菩萨既得不退心已，终不造作三恶道业。菩萨摩訶萨若未来世有微尘等恶业果报不定受者，以大愿力为众生故而悉受之。譬如病人，为鬼所著，藏隐身中，以呪力故，即时相现，或语、或喜、或瞋、或骂、或啼、或笑<sup>274</sup>。菩萨摩訶萨未来之世，三

<sup>273</sup> 大正藏：施人；永乐北藏及龙藏：施于众生

<sup>274</sup> 大正藏：哭

恶道业亦复如是。菩萨摩訶萨受罽<sup>275</sup>身时，常为众生演说正法；或受迦宾阇罗鸟身，为诸众生说正法故；受瞿陀身、鹿身、兔身、象身、羖羊、猕猴、白鸽、金翅鸟、龙、蛇之身，受如是等畜生身时，终不造作畜生恶业，常为其余畜生众生演说正法，令彼闻法速得转离畜生身故。菩萨尔时虽受畜身，不作恶业，当知必定有不退心。

“菩萨摩訶萨于饥馑世见饿众生，作龟鱼身无量由旬，复作是愿：‘愿诸众生取我肉时，随取随生。因食我肉，离饥渴苦，一切悉发阿耨多罗三藐三菩提心。’菩萨发愿：‘若有因我离饥渴者，未来之世，速得远离二十五有饥渴之患。’菩萨<sup>276</sup>受如是苦心不退者，当知必定得阿耨多罗三藐三菩提。

“复次，菩萨于疾疫世见病苦者，作是思惟：‘如药树王，若有病者，取根、取茎、取枝、取叶、取华、取果、取皮、取肤，悉得愈病。愿我此身亦复如是，若有病者闻声、触身、服食血肉乃至骨髓，病悉除愈。愿诸众生食我肉时，不生恶心，如食子肉。我治病已，常为说法，愿彼信

<sup>275</sup> 大正藏：熊

<sup>276</sup> 大正藏：菩萨摩訶萨；永乐北藏及龙藏：菩萨

受，思惟转教。’

“复次，善男子，菩萨具足烦恼，虽受身苦，其心不退、不动、不转，当知必定得不退心，成阿耨多罗三藐三菩提。

“复次，善男子，若有众生为鬼所病，菩萨见已，即作是言：‘愿作鬼身、大身、健身、多眷属身，使彼闻见，病得除愈。’菩萨<sup>277</sup>为众生故勤修苦行，虽有烦恼，不污其心。

“复次，善男子，菩萨摩訶萨虽复修行六波罗蜜，亦复不求六度之果。修行无上六波罗蜜时，作是愿言：‘我今以此六波罗蜜施一切<sup>278</sup>众生，一一众生受我施已，悉令得成阿耨多罗三藐三菩提。我亦自为六波罗蜜勤修苦行，受诸苦恼。当受苦时，愿我不退菩提之心。’善男子，菩萨<sup>279</sup>作是相<sup>280</sup>时，是名不退菩提之相。

“复次，善男子，菩萨摩訶萨不可思议。何以故？菩萨摩訶萨深知生死多诸罪过，观大涅槃有大功德，为诸众生处在生死，受种种苦，心无退转，是名菩萨不可思议。

“复次，善男子，菩萨摩訶萨无有因缘而生

<sup>277</sup> 大正藏：菩萨摩訶萨；永乐北藏及龙藏：菩萨

<sup>278</sup> 大正藏：一

<sup>279</sup> 大正藏：菩萨摩訶萨；永乐北藏及龙藏：菩萨

<sup>280</sup> 大正藏：愿

怜悯，实不受恩而常施恩，虽施于恩而不求报，是故复名不可思议。

“复次，善男子，或有众生为自利益修诸苦行，菩萨摩訶萨为利益<sup>281</sup>他故修行苦行，是名自利，是故复名不可思议。

“复次，菩萨具足烦恼，为坏怨亲所受诸苦修平等心，是故复名不可思议。

“复次，菩萨若见诸恶不善众生，若呵责、若软语、若驱摈、若纵舍，有恶性者现为软语，有憍慢者现为大慢，而其内心实无憍慢，是名菩萨方便不可思议。

“复次，菩萨具足烦恼，少财物时，来求者多，心不迕少<sup>282</sup>，是名菩萨不可思议。

“复次，菩萨于佛出时知佛功德，为众生故，于无佛处受边地身，如盲、如聋、如跛、如臂<sup>283</sup>，是名菩萨不可思议。

“复次，菩萨深知众生所有罪过，为度脱故，常与共行，虽随其意，罪垢不污，是故复名不可思议。

“复次，菩萨了了知见无众生相、无烦恼污、

<sup>281</sup> 大正藏：利；永乐北藏及龙藏：利益

<sup>282</sup> 大正藏：小

<sup>283</sup> 大正藏：臂

无修习道、离烦恼者，虽为菩提无菩提行，亦无成就菩提行者，无有受苦及破苦者，而亦能为众生坏苦行菩提行，是故复名不可思议。

“复次，菩萨受后边身处兜率天，是亦名为不可思议。何以故？兜率陀天欲界中胜，在下天者，其心放逸；在上天者，诸根暗钝，是故名胜。修施、修戒得上下身，修施、戒、定得兜率身。一切菩萨毁訾<sup>284</sup>诸有，破坏诸有，终不造作兜率天业，受彼天身。何以故？菩萨若处其余诸有，亦能教化成就众生，实无欲心而生欲界，是故复名不可思议。

“菩萨摩訶萨生兜率天有三事胜：一<sup>285</sup>、命；二<sup>286</sup>、色；三<sup>287</sup>、名。菩萨摩訶萨实不求于命、色、名称，虽无求心而所得胜。

“菩萨摩訶萨深乐涅槃，然有因亦胜，是故复名不可思议。

“菩萨摩訶萨如是三事虽胜诸天，而诸天等，于菩萨所，终不生于瞋心、妬心、憍慢之心，常生喜心。菩萨于天，亦不憍慢，是故复名不可思议。

<sup>284</sup> 大正藏：訾

<sup>285</sup> 大正藏：一者；永乐北藏及龙藏：一

<sup>286</sup> 大正藏：二者；永乐北藏及龙藏：二

<sup>287</sup> 大正藏：三者；永乐北藏及龙藏：三

“菩萨摩訶萨不造命业，而于彼天毕竟寿命，是名命胜。亦无色业，而妙色身光明遍满，是名色胜。菩萨摩訶萨处彼天宫，不乐五欲，惟<sup>288</sup>为法事，是故名称充满十方，是名名胜。是故复名不可思议。

“菩萨摩訶萨下兜率天，是时大地六种震动，是故复名不可思议。何以故？菩萨下时，欲色诸天悉来侍送，发大音声赞叹菩萨，以口风气故令地动。复有菩萨人中象王，人中象王名为龙王，龙王初入胎时，有诸象<sup>289</sup>王在此地下或怖或恚<sup>290</sup>，是故大地六种震动。是故复名不可思议。

“菩萨摩訶萨知入胎时、住时、出时，知父知母，不净不污，如帝释发青色宝珠，是故复名不可思议。

“善男子，大涅槃经亦复如是不可思议。善男子，譬如大海有八不思议。何等为八？一<sup>291</sup>、渐渐转深；二<sup>292</sup>、深难得底；三<sup>293</sup>、同一鹹味；四<sup>294</sup>、潮不过限；五<sup>295</sup>、有种种宝藏；六<sup>296</sup>、大

<sup>288</sup> 大正藏：唯

<sup>289</sup> 大正藏：龙

<sup>290</sup> 大正藏：寤

<sup>291</sup> 大正藏：一者；永乐北藏及龙藏：一

<sup>292</sup> 大正藏：二者；永乐北藏及龙藏：二

<sup>293</sup> 大正藏：三者；永乐北藏及龙藏：三

<sup>294</sup> 大正藏：四者；永乐北藏及龙藏：四

<sup>295</sup> 大正藏：五者；永乐北藏及龙藏：五

<sup>296</sup> 大正藏：六者；永乐北藏及龙藏：六

身众生在中居住；七<sup>297</sup>、不宿死尸；八<sup>298</sup>、一切万流、大雨投之，不增不减。善男子，渐渐转深有三事。何等为三？一、众生福力；二<sup>299</sup>、顺风而行；三<sup>300</sup>、河水入故。乃至不增不减亦各有三。

“是大涅槃微妙经典亦复如是，有八不可思议。一、渐渐深。所谓：五戒、十戒、二百五十戒、菩萨戒、须陀洹果、斯陀含果、阿那含果、阿罗汉果、辟支佛果、菩萨果、阿耨多罗三藐三菩提果，是涅槃经说是等法，是名渐渐深。是故，此经名渐渐深。

“二<sup>301</sup>、深难得底。如来世尊不生不灭，不得阿耨多罗三藐三菩提，不转法轮，不食不受，不行惠施，是故名为常、乐、我、净。一切众生悉有佛性，佛性非色不离色<sup>302</sup>，非受、想、行、识，乃至不离识<sup>303</sup>，是常可见，了因非作因。须陀洹乃至辟支佛当得阿耨多罗三藐三菩提，亦无烦恼，亦无住处，虽无烦恼，不名为常，是故名深。

<sup>297</sup> 大正藏：七者；永乐北藏及龙藏：七

<sup>298</sup> 大正藏：八者；永乐北藏及龙藏：八

<sup>299</sup> 大正藏：二者；永乐北藏及龙藏：二

<sup>300</sup> 大正藏：三者；永乐北藏及龙藏：三

<sup>301</sup> 大正藏：二者；永乐北藏及龙藏：二

<sup>302</sup> 大正藏：于色；永乐北藏及龙藏：色

<sup>303</sup> 大正藏：于识；永乐北藏及龙藏：识



“复有甚深，于是经中或时说我、或说无我，或时说常、或说无常，或时说净、或说不净，或时说乐、或时说苦，或时说空、或说不空，或说一切有、或说一切无，或说三乘、或说一乘，或说五阴即是佛性、金刚三昧及以中道、首楞严三昧、十二因缘、第一义空。慈悲平等于诸众生，愿<sup>304</sup>智信心知诸根力，一切法中无罣阂智，虽有佛性不说决定，是故名深。

“三<sup>305</sup>、同一鹹味<sup>306</sup>。一切众生同有佛性，皆同一乘，同一解脱，一因一果，同一甘露，一切当得常、乐、我、净，是名一味。

“四<sup>307</sup>、潮不过限。如是经中制诸比丘不得受畜八不净物，若我弟子有能受持、读诵、书写、解说、分别是大涅槃微妙经典，宁失身命，终不犯之，是名潮不过限。

“五、有种种宝藏。是经即是无量宝藏，所言宝者，谓四念处、四正勤、四如意足<sup>308</sup>、五根、五力、七觉分、八圣道分、婴儿行、圣行、梵行、天行、诸善方便、众生佛性、菩萨功德、如来功

<sup>304</sup> 大正藏：顶

<sup>305</sup> 大正藏：三者；永乐北藏及龙藏：三

<sup>306</sup> 大正藏：一味；永乐北藏及龙藏：同一鹹味

<sup>307</sup> 大正藏：四者；永乐北藏及龙藏：四

<sup>308</sup> 大正藏：分

德、声闻功德、缘觉功德、六波罗蜜、无量三昧、无量智慧，是名宝藏。

“六<sup>309</sup>、大身众生所居住处。大身众生者，谓佛菩萨，大智慧故名大众生，大身故、大心故、大庄严故、大调伏故、大方便故、大说法故、大势力故、大徒众故、大神通故、大慈悲故、常不变故、一切众生无罣阂故、容受一切诸众生故，是名大身众生所居之处。

“七<sup>310</sup>、不宿死尸。死尸者，谓一阐提、犯四重禁、五无间罪、诽谤方等、非法说法、法说非法、受畜八种不净之物、佛物僧物随意而用，或于比丘、比丘尼所犯<sup>311</sup>非法事，是名死尸。是涅槃经离如是等，是故名为不宿死尸。

“八<sup>312</sup>、不增不减。无边际故、无始终故、非色故、非作故、常住故、不生灭故、一切众生悉平等故、一切性<sup>313</sup>同一性故，是名无增减。

“是故，此经如彼大海有八不思议。”

师子吼言：“世尊！若言如来不生不灭名为深者，一切众生有四种生：卵生、胎生、湿生、

<sup>309</sup> 大正藏：六者；永乐北藏及龙藏：六

<sup>310</sup> 大正藏：七者；永乐北藏及龙藏：七

<sup>311</sup> 大正藏：作

<sup>312</sup> 大正藏：八者；永乐北藏及龙藏：八

<sup>313</sup> 大正藏：法性；永乐北藏及龙藏：性

化生，是四种生，人中具有。如施婆罗比丘、优婆施婆罗比丘、弥迦罗长者母、尼拘陀长者母、半闍罗长者母，各五百子同于卵生，当知人中则有卵生。湿生者，如佛所说：‘我于往昔作菩萨时，作顶生王及手生王；如今所说菴罗树女、迦不多树女。’当知人中则有湿生。劫初之时，一切众生皆悉化生。如来世尊得八自在，何因缘故不化生耶？”

佛言：“善男子，一切众生四生所生。得圣法已，不得如本卵生、湿生。善男子，劫初众生皆悉化出<sup>314</sup>，当尔之时佛不生<sup>315</sup>世。善男子，若有众生遇病苦时，须医须药；劫初之时，众生化生，虽有烦恼，其病未发，是故如来不出于<sup>316</sup>世。劫初众生，身心非器，是故如来不出于<sup>317</sup>世。善男子，如来世尊所有种姓、眷属、父母胜诸众生<sup>318</sup>。以殊胜故，凡所说法，人皆信受，是故如来不受化生。善男子，一切众生父作子业，子作父业，如来世尊若受化身则无父母，若无父母，云何能令一切众生作诸善业？是故如来不受化身。

<sup>314</sup> 大正藏：生

<sup>315</sup> 大正藏：出

<sup>316</sup> 大正藏：其

<sup>317</sup> 大正藏：其

<sup>318</sup> 大正藏：事业胜诸众生，所谓种姓、眷属、父母；永乐北藏及龙藏：种姓、眷属、父母胜诸众生

“善男子，佛正法中有二种护：一<sup>319</sup>、内；二<sup>320</sup>、外。内护者，所谓禁戒；外护者，族亲眷属。若佛如来受化身者则无外护，是故如来不受化身。善男子，有人恃姓而生憍慢，如来为破如是慢故，生在贵姓，不受化身。善男子，如来世尊有真父母，父名净饭，母名摩耶，而诸众生犹言是幻，云何当受化生身耶<sup>321</sup>？若受化身，云何得有碎身舍利？如来为益众生福德故，碎其身而令供养，是故如来不受化身。一切诸佛悉无化生，云何独令我受化身？”

尔时，师子吼菩萨合掌长跪，右膝著地，以偈赞佛：

如来无量功德聚 我今不能广宣说  
今为众生演一分 惟愿哀悯听我说  
众生无明暗中行 具受无边百种苦  
世尊能令远离之 是故世称为大悲  
众生往反<sup>322</sup>生死绳 放逸迷荒无安乐  
如来能施众安乐 是故永断生死绳  
佛能施众安乐故 自于己乐不贪乐  
为诸众生修苦行 是故世间兴供养

<sup>319</sup> 大正藏：一者；永乐北藏及龙藏：一

<sup>320</sup> 大正藏：二者；永乐北藏及龙藏：二

<sup>321</sup> 大正藏：之身；永乐北藏及龙藏：身耶

<sup>322</sup> 大正藏：返

见他受苦身战动 处在地狱不觉痛  
为诸众生受大苦 是故无胜无有量  
如来为众修苦行 成就具足满六度  
心处邪风不倾动 是故能胜世大士  
众生常欲得安乐 而不知修安乐因  
如来能教令修习 犹如慈父爱一子  
佛见众生烦恼患 心苦如母念病子  
常思离病诸方便 是故此身系属他  
一切众生行诸苦 其心颠倒以为乐  
如来演说真苦乐 是故称号为大悲  
世间皆处无明蔽 无有智嘴能破之  
如来智嘴能沮<sup>323</sup>坏 是故名为最大子  
不为三世所摄持 无有名字及假号  
觉知涅槃甚深义 是故称佛为大觉  
有河洄洑没众生 无明所盲不知出  
如来自度能度彼 是故称佛大船师  
能知一切诸因果 亦复通达尽灭道  
常施众生病苦药 是故世称大医王  
外道邪见说苦行 因是能得无上乐  
如来演说真乐行 能令众生受快乐  
如来世尊破邪道 开示众生正真路

<sup>323</sup> 大正藏：啄

行是道者得安乐 是故称佛为导师  
非自非他之所作 亦非共作无因作  
如来所说苦受事 胜于一切诸外道  
成就具足戒定慧 亦以此法教众生  
以法施时无妬吝 是故称佛无缘悲  
无所造作无因缘 获得无因无果报  
是故一切诸智者 称说如来不求报  
常共世间放逸行 而身不为放逸污  
是故名为不思议 世间八法不能污  
如来世尊无怨亲 是故其心常平等  
我师子吼赞大悲 能吼无量师子吼

大般涅槃经卷第三十

## ● 结诵仪

### 补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

南無佛 南無法 南無僧 (合掌三称)

南無一切如来、应、正等觉 (合掌三称)

南無本师释迦牟尼佛 (合掌三称)

南無大般涅槃经 (合掌三称)

### 发愿文

(一遍)

志心忏悔。我(某甲)与一切众生，从无始来，迷失真心，流转生死，六根罪障，无量无边，圆妙佛乘，无以开解，一切所愿，不得现前。我今读诵大般涅槃经，以此善根，发露黑恶，过、现、

未来三业所造无边重罪，皆得消灭，身心清净，惑障蠲除，福智庄严，净因增长，自他行愿速得圆成。愿诸如来常在说法，所有功德起随喜心，回向菩提，证常乐果。命终之日，正念现前，面见弥陀及诸圣众，一刹那顷，生莲华中。普愿众生，俱成佛道。

## 回向偈

(一遍)

诵经功德殊胜行 无边胜福皆回向  
普愿沉溺诸有情 速往无量光佛刹  
十方三世一切佛 一切菩萨摩訶萨  
摩訶般若波罗蜜

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国



## 三皈依

(一遍)

自皈依佛，当愿众生，体解大道，发无上心。  
自皈依法，当愿众生，深入经藏，智慧如海。自  
皈依僧，当愿众生，统理大众，一切无碍，和南  
圣众。



此咒置经书中可灭误跨之罪

南无护法韦驮尊天菩萨

